



A cang

CE1

Safe kalaas

Seereer

Année 2019



Ce travail est disponible sous la licence Creative Commons Attribution 3.0 IGO. Sous cette licence, il est accordé le droit de copier, de distribuer, de diffuser et d'adapter cet Outil de classe y compris à des fins commerciales selon les conditions énoncées sur le site électronique suivant : <https://creativecommons.org/>

AVANT-PROPOS

Le présent *Outil de classe*, destiné principalement à l'élève du Cours Élémentaire 1^{ère} année (CE1), est conçu dans le cadre du programme Lecture Pour Tous du Ministère de l'Education nationale (MEN) du Sénégal avec l'accompagnement de l'Agence des États-Unis pour le Développement International (USAID). Il trouve sa justification dans les résultats intermédiaires du Programme d'Amélioration de la Qualité, de l'Equité et de la Transparence (PAQUET), attendus en matière d'amélioration des performances scolaires dans les disciplines fondamentales telles que la lecture.

Élaboré en langue nationale et dans une perspective d'un soutien pédagogique, cet *Outil de classe* accompagne la mise en œuvre des enseignements apprentissages en lecture initiale.

De par la déclinaison, la formulation et la structuration de ses contenus, l'*Outil de classe* constitue un intrant pédagogique qui permet à l'enseignant(e) de dérouler tous les apprentissages et à l'élève d'apprendre directement à lire.

Dans l'*Outil de classe*, on retrouve :

- des leçons pour pratiquer le vocabulaire, la lecture fluide et la compréhension avec des textes développés sur la base des thèmes du CEB ;
- des textes pour apprendre à intégrer. Ces textes sont accompagnés d'un contexte et de consignes de lecture.

Indispensable à la classe, cet outil devrait aider les élèves à développer leurs compétences en lecture.



Taap Cangel

A bet ekol	6
O yaayar o maak	9
Ñaal a qooland	12
O qoolel cer	15
No mbind no siid waa.....	18
Bug o fog	21
Bes neexil	24
Paxañ cangir	27
Kaam bug o fadand a canges.....	30
Ndew, jambaaṛ oo	33
A ñootnax a cegu o njiriñ	36
Mari na fuwaar faa.....	39
Jonjante ci xam-xam	42
Jambaaṛ a feeña	45
O ja᷇ na Ñaaxar	48
Cufig o ja᷇.....	51
A yoonand 1	54
 A bet yiif no jir poliyo.....	56
Dispaaeर fa nqas	59
O jool ole	62
Moytoox a cir.....	65
No caate maak ke	68
Ekol fa nqoolu.....	71
A yaq ale no widand ole	74
Yetoox a ko᷇'in ale	77
Tok a njega o njiriñ	80
Saax doonwu na fat.....	83
Sañ-sañ Buubu Goy	86
Na Ndumbelaan, a cang kaa war	89
Mbind no yaal saax le	92
A fing ale ekol'in.....	95
A yoonand 2	98
 Nanoor	100
Ke warna o þiy no we ndimuuna.....	103
Saxin jam	106
Baasanit	109
Ndimle'ir a ndeer'in	112
Ndimle'ir kam mbind ne.....	115
Ci'tir cer	118
O njaac' o yarwu taa mos jiko.....	121
Nam enterwiiw a fi'teel.....	124
Ñoxor jir-ndiig.....	127
A baaf na enternet	130
Topatoox o telefon portaabul	133
 A yoonand 3	136
 A liib	138



Cangel 1

A bet ekol

Mari fa Sanu siid a ndefu. A mbi'a wakaas pelu maa caaci den. O we mbaajaa a bet ekol. A njang'a apaax, a mbar o suur no kalaas ndadkandeer. Da sawar, a yong o mbaajaa nga'ir fo yoon den. O yeng ole a miñ lool yaam kaa tay'u o nga' we da mbogitna kalaas. Nqes teel, da yokoox, a þogoox. Yaa Faatu a sutan'a a den ñirax. Da ndokoox, a seq saak den, a ndetaa ekol. Na fat ale, da simniraa fo gend den. O goor o ñaayu o jakartaa, **a joon** a den ñofu. Fo'ut olaa a yodox.

Sanu a kuuckaa a daraakoos a yen. Mari a wuuq, a yuf a yoorooxin. A foog ee kaa boloox. Xa elew axe fo maak we a cufiid. Fop a ndiid, a mbidin. Oxuu refna a layaa. Mari a ga' ee tus daawee a Sanu. Taaga a yiifum a ngat. Sanu a inoox. Mari a dimle'in ta yirfoox. Siid we a moy o yaang yaam a mbañaa tarde. A þol a kooñ a cok kalaas ne Meer a ci'ina den fagunfaak. Da ndok ekol, xa pox axaa fo xa buuq axaa a njib. Ekol fee a soowaa. Neene, o fiip olaa a jib, oxuu refna a ret na kalaasum. Siid we a njaaxid. Madam Jalo fee seq'ina den o hiid o dikandeer kaa **sektel**. Rend, Madam Kan na janginkaa a den.

A tekit

tekit xa felem

Um jang xa felem axene fo a tekit den :

sektel : ten refu kaa xotteena o mbiñ a bisel o mbiñ o lakas.

a joon : ten refu kaa beerna a suur.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Madam Kan kaa _____ keene taxu ta
jangnik na ekol fa lakas.

2. Sanu a yufa, _____ a Mari na fat ale.

- suurnel
- waasel
- sektel

- a yoon
- a joon
- a doon

A nanoof | lay ke ga'uuma no yiifes

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar siid we a mbaajanaa ?

Laamit 2 : An moyu sawar ndeer Mari fa Sanu ?

Um yutangaa, um nut, um yiif, lay ke ga'uuma no saar ole, muse'es a cooxaxama.

A pind o ñuxur | bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jegə o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.



1. sektel
2. a joon



Cangel 2

O yaayar o maak

Caaci Ndeene, a buga Sanu fa Mari. O koor oxe, kaa bug xa caac' axe a njeg fayar fa mbaax. Nqes nuu refna, ta biib, a yok a den. A lay a den da foogoox. A naanga mbaajaa ekol, caaci a ret no bitik faa a jikik fosis olaa da ñaktoorna. A naangaa ñaamaa, caaci, a deetaqinaa den, a wetandaa den ee : ñaamel nee yaqeel. Xaye, xa caac' axe o we ñaktooxaa. Muus ne a **beedaa**, a waafaa kaa ta ñaamna.

Sanu a debin o ñaaf. Muus ne a fool, a sipoox na caf Mari, a pel o kaas ole. Fo sis olaa baxoox. Mari a yuf a laqoox maa caaci'um, Sanu a yeel. Mari a fool a xetik fo ten. Caaci Ndeene a yod a kidum. Da naang tek a ngeenoox. Da ndet a paangatin a ñakit ale Caaci Ndeene a xooy a den a lay a den ee : « kaam bug nu njang apaax na ekol. We ndimna nuun a mbaag o faay na nuun. Nu mbaag o ndef tig yaa nu maakna. » Soo, a cang ale a yutangaa, xa caac' axe a ngatiid. Ta wetandaa a den da ndet a njangik lesoñ ke, boo da ñaskaa. Boo da mbondookaa, caaci a lay a den da nan-giloox, ta naxan a den. Taaga a beeroogu, a waag o jangin a den o njiriiñ a pi' a paax.

A tekit

tekit xa felem

Um jang xa felem axene fo a tekit den

beedaa : ten refu oxaa na ñaay'aa ondang yoolaa.

caaci : ten refu oxe rimna a faap mbaat a yaayof.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafoox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Mari kaa yuf _____ qaariit ke ten na fat ale .
2. Cinj xa kiid xa faq, muse Saaña kaa _____, a jangnik o mbiñ o lakas.
3. _____ kaa naxanaa in kirand nu refna.
4. O moon ole kaa _____ fambe le.



A nanoot o and

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar caaci Ndeene fi'aa yaa xa caac axe a ñaktooxaa ?

Laamit 2 : Xar muus ne a fi'aa ?

Um yutangaa, um jeem o ga'ke naa reefkaa na betandax ale.

A pind o ñuxur bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 3

Ñaal a qooland

Xaye diiboor, siid we njangkee. Kaa da ndimle'aa we ndimna den na qooland mbind ne. Kaa eetaa topatoox tok den. Sanu a ðaapatina njongum. A leema ñiraxum na armuwaar fee. Mari a ñofa jagand a ndokum. Yaaga tokoorum a bogaa paal. Keene Mari a moyu o bug. A xembanda a ndokum, a ñof o dimle'ik a tokoorum Kumax. Ta layin ta dam apaax o ßaak ole no mbaal ne. Qaariitum a njoonaa, a nqooyin : « Eey Mari ! » Mari a ðaay ye ta ga'na den. Ta yodaa den xa ßay, a weec ee mbaal ne a damu. A xay'a o ßaak ole too yegiran. Mbaal ne a **bostoox**, a yuf.

Ndamyo ! Suk laa a bostooxa. Xa caac axe a cuf a ndamkin. Waa no mbind naa a ndeef took den. Mari a loolaa. Sanu a tiimnan. Mari, oxe **xalamaa** ke tokorum a laykan. Miñee tus, da nan coow mayu no mbed onqaa. Da cok a tokoor Kumax a doxaa mbaal ne. Mari a laqoox a cinj Sanu, a deetaa a tokoorum. Oxeene a ga'in, a xooyin, a layin ee : jegee solo, ndaa jaf lakas dami apaax o ßaak ole. Mari a muuyoox , a waasnu . Oxuu refna a dakoox no kaa ta reefna. Ye xa caac axe a cutna calel, yaa Faatu a ðaaya. A ci' a den fasaaf fa ßuubu da yer.

A tekit

tekit xa felem

Um jang xa felem axene fo a tekit den :

bostoox : ten refu kaa retna to yegino.

xalamaa : ten refu jeemaa and tig no yiifof.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. A cek ale kaa _____ a Daba.

- mudoox
- damoox
- bostoox

2. Kodu kaa mo'in o y'ang ole ten a
fe' a _____.

- muuñaa
- xalamaa
- fecaa

A nanoof lay ke ga'uuma no yiifes

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar Siid we a mbaru o mbi' xaye ?

Laamit 2 : Mari fa Sanu an na den moyu ñof ? Xar taxun ?

Um yutangaa, um nut, um yiif, lay ke ga'uuma no saar ole, muse'es a cooxaxama.


A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa telem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A jegə o piif!, a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 4

O qoolel cer

Tenij xaariit Mari oo. O ten fo xa tebum, ya' den kaa topatooxaa den apaax. Ke moy'anuuna refu xa caac axe a nqool no cer den fo tokax den. Bes, Tenij a reefan o faan o pelu le baa **boodoox**. Ya'um a yokaan baa xij ndaa dara. Tenij a kungoox kam pay ne, a inax ale a boowaa. Ye ta inwaa, a soñ baxtu betuutadik a mat o mbad. Ta jang saakum, a ñofandoox a ret ekol. Reefee sax na kugujaanax ne'atiroong a ñogax. O xe onja bee sip ye ta rokaa no ekol ne. Ye ta ñotnooxna, yeen a sogu and ee ñirax ke ten o we nqoñaa o mbiñ onqe fop.

Ta foog ee **tuñ** ke o we nqooñaa qaariitum ke. Yiif le Tenij dalee. Ta moytooxaa o mat a den ñaal ne fop. Ye da mbiipna waxtu a ñootnax, jabee ñas fo gendum. A laamtangee xa xewu, doonkee. Mari fee fogna fo ten a taabul, a jaaxda ndaa sadiran o laamit. Ye a pudax ale a fadna, Tenij a ñof o xaad no mbind naa. Ye ta fadna, ke ta eetna o fi' refu ta wol ke ta roku'ina. A ret a bogoox baa xool. Xaye, Tenij a anda ke taxna ya'um a xijaa ndax da nqool.

A tekit

tekit xa felem

Um jang xa felem axene fo a tekit den

boodoox : ten refu ðaanaa boo faaf waxtu a yokax.

tuñ : ten refu kaa na xeeñaa pelu mbaa pefaru.

A niir a ñofu

1. Um niir o saar ole amak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. A kooc ale kaa _____ na ngas ale.
2. Tenij kaa _____ , a cang ale.
3. Xaye Sanu kaa ðaan baa _____.
4. _____ pelu na inooraan ndok ale Tenij.



A nanoof o and

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar dalu a Teniq ?

Laamit 2 : Nam a rettu ekol ?

Um yutangaa, um jeem o ga'ke naa reefkaa na betandax ale.



A pind o ñuxur bind o ñuxur



Simte :

1. Um jang xa felem axe kam eel le.
2. Um yiif o ñuxur ole um bindkaa.
3. Um bind na kaye'es o ñuxur ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 5

No mbind no siid waa

Sanu fa Mari kaa moofaa fo we ndimna den. Da mbetandwaa a den cosaan den a Sinig. Kirand leng, faap-o-tew Eleen a sof da moof, ta jal a laamit a den : « An na laykaxam cosaan'in ? Nam oxaa rim'ina a caaci nuun fa ngoor a ne'e ? Ndax meeke a Mbey a mosu-mos o ngen ? Mam daan den a inoor'u ? Mari a doonkaa rek, da nan xa buuq no mbind ne mbaamir. « Cufidyo ! Cufidyo ! »

Mari fa Sanu a cuf a nqot maaga. We no mbind ne a sutoox a feetaa. Ye da mbadiidna, da nan a Wiktoor ta layaa ee « Fangool ! Fangool ! » Mari fa Sanu a cuf a laqoox a faap-o-tew Eleen. Faapa Semu a yufiid fo o dong. A fadiid, a dalfo **yéel**. Ndike tige refee fangoole, a cakar oo. Ta lay ee : kene refna o njakar soom. Nuun undefu a tooq. Faap-o-tew Eleen a lay xa caac axe ee : i nomtoox paang jeetaay'in.. Yaa da moofna, Mari a lay ee : « Faapa kaa tee ; danaatum ngar'u a ngeniid a Mbey, a jega kaa hupna xa kiid teemeed. O tanaat no taan'in ne'e Jeen Seen, ya'um a ne'el Yaande Den a Sinig a cosaanooru. »Faap-o-tew den a daay lool ee : nu anda **cosaan** nuun . Keene tig paax a refu.

A tekit

tekit xa felem

Um jang xa felem axene fo a tekit den :

cosaan : ten refu pafaak no kiin.

y'eel : ten refu jal a maak.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Wiin mayu andee _____ den.
2. Tenij a fela o _____ .

maakaan
• cosaan
• nquuraan

• y'eel
• feel
• meel

A nanoof lay ke ga'uuma no yiifes

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : An Mari fa Sanu a yoobu o moofit ?

Laamit 2 : Xar Eleen a bugu xa caac' axe a nqolandanin ?

Um yutangaa, um nut, um yiif, lay ke ga'uuma no saar ole, muse'es a cooxaxama.


A pind o ñuxur bind o ñuxur

Simte :

1. Um jang xa felem axe kam eel le.
2. Um yiif o ñuxur ole um bindkaa.
3. Um bind na kaye'es o ñuxur ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 6

Bug o fog

We Moy'na may no fog'in Joosonj a ngenu. Maag fo xa teb faapes rew, xa þiy faap-o-tewes fo tokoor faapes maaga a ndefu. Fog'in we kaa yoob o nqetaa, a njafatiran. Xaye, we Jiloor ndalnu in. Ye ta layna ee o feet ref o xet ole, um yoon fo oxe siidteema. O ndebes, faapes, ya'es, o leng no paap-o-tewes a yoon fa in Jiloor. Tokoores fo xa þeem xa faq a mbog'a na fat ale. Xa oto xa faq i nqotu. Ndeer Joosonj fa Jiloor a fada kilomeet qarbeentadik. Na fat ale, ye i mbadiidaa Pasi, i ndalfo nan **fangax**. O oto le a geenoox da njaaxid.

Um laamit a Mari ke xewna. Ta doonaam ee : o oto le paanu. Xan i yengel. Faapa a fudoox a ga'ee a pano le yulu. Ta ñof o watnin a wad a lakas. I faay, þaat o ndoonoox na fat ale. I mbadiida Jiloor. I soþ fog'in lakas we fop a moof a njetayaa, a **ngafaa**, a njalaa . Maasir we a tooñraa. O yeng ole a fel lool. No feet olaa, tokoor'in fa faap-o-tew'in, a mbokat o fog ole. Kam waxtaan le, faapes a wetand a in ke i mbogna fo ne i mbarna ndamrit. Fop a lay ee o xet olene kaa war o sax, kaa safkandaa o fog. Ñaal mbelu a reefu. Oleng weecitkiran.

A tekit

tekit xa felem

Um jang xa ñuxur axene fo a tekit den :

fangax : ten refu yo'nax.

ngafaa : ten refu ñasaa, ndapaa.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. _____ na safkinaa o fog.
2. Xa caac' axe owe _____ fo yoon den.
3. Mari kaa ga' a Sanu rek a dalfo _____.
4. Tuud ne a fi'a _____ maak nqes ne.



A nanoof o and

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : No caate kum o fog ole yoobu nqet ?

Laamit 2 : Xar taxu da mbug o fog ole a nga'raa ?

Um yutangaa, um jeem o ga'ke naa reefkaa na betandax ale.

A pind o ñuxur bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piif!, a pil' fo metfir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 7

Bes neexil

O hiid oluu refna, Komin ne in kaa fi'aa **ndafatir** no ekol ke. O elew oluu bindna **o saar** ole moy'na faax, kaa neexleel. Meer fee in o tew a ref. A jega fula fa fayda, a waag a cang. Ten taxu ta ne'tel ndafatir ne. Rend, o yoon'in Menge jangu a laay ale no ekol'in. Ta ref o daay o maak no ten fo þasilum. Xaye refu bes fee na cooxit ale no neexil ne.

Nqes teel, o maax ole ekol a may fo wiin. Kelfa mayu, xa elew fo we ndimna den, a ngara a ndoofandiid xew fee. Ye waxtu xarbboxay a fadna, Meer fee, madam Jaxate a fadiid, a yoon fo kelfa mayu. Ye fop a moofna, xa elew axe a ngim fak le no saax le.

Ye da paangkaa, ta yufaaq. Neene, ta dalfo debaa. Wiin we a cuf a yogook kam kalaas ke. Ne roog a fi'taa, no kiis xarbboxay fo þetik, ta dalfo simid. Da numtoox no fiif naa a mbadatin xew fee. Meer fee a inoox, a lay falayum. Soo Menge a xooyel. Ta gar a daay, a daaw neexilum. Dagid le a xool qac a melecää. Ta muuywaa. Fop a inoox a mboxanin apaax. Menge a daay, kamum a may, a kid ake a nqooy. Ta seq neexilum, a xaad, ten fo we ndimuuna fo qaariitum.

A tekit

tekit xa felem

Um jang xa ñuxur axene fo a tekit den :

ndafatir : ten refu deet oxe moy'na o waag.

o saar : ten refu kaa bindeena a war o niirel.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. A jega _____ a kaat no komin ne.

- ngorir
- maafir
- ndafatir

2. _____ o maak oxe kam safe le Mari.

- o maar
- o saar
- o mbaar

A nanoof

coodit a toon a safku no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar na jegaa no komin ne o hiid oluu refna ?

Laamit 2 : Aniin ngaru na xew fee ?

Laamit 3 : Xar wiin we mbi'u ye Menge a daawna neexilum ?

A mbanuu refna um lalit me a toon ale refna kam o saar ole.

A pind o ñuxur

bind o ñuxur

Simte :

1. Um jang xa telem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 8

Paxañ cangir

Rend, ekol'in kaa jeg o kenar. Taap « Fat Fop a Njang ». Mal ne no elew eetaand ke garu maaga. Cangir a atu. Kaaga taxu ekol ne a jeg xew ndax ta cooxit **paxañ** keene. O elew oluu refna xan a jeg a kaye, pindir fo piisir. Xan a jeg safe kalaas fo safe mbind.

Nqes teel, Mari fa Sanu a ngariid fo we ndimna den. A ndoku mosu, a ngadu saak. We ndimna elew ke a moof yoora fiif ke. Mari fa Sanu a faay no cangir ke da nga'na took a taabul ake. Meetar fa ndew a lay xa elew axe : fat kalaas nuu refna a mbokatoor. Xa elew axe no kalaas mberaand ne a ngeenu mbaamir a taabul den. Da ndiñraa, oxuu refna a bug o adoox.

Neene, o leng na den a yen took a taabul ale. Cangir ke a **pictoor**. Da mbuuq, oxuu refna a jamban o kendum. Leng-leng no we ndimna den, a cufiid a ndamtaa Muse Saaña. Da tiimin xa caac' axe. Muse Saaña a lay elew ke da ngis ke samna, a ndoonatinin took a taabul ale. Ta lay a den da mbi' ondang yaam oxuu refna xan a daaw a lasum. No paangand ne, fop a fi'el na jam. Ye xew fee fagna, Mari fa Sanu a ndeegoox cangir den. A faay lool no ke da ndaawna.

A tekit

tekit xa felem

Um jang xa ñuxur axene fo a tekit den :

þaxañ : ten refu tikorik calir.

pictoor : ten refu tigo tig a pay o saax.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. _____ cangir a mbaaxa no elew.
2. Tokoor Kumax oxe jangnaa _____ a Sanu.
3. Kalaas madam Kan kaa mbi'aa _____ na niir.
4. Futbal fee faga, xa caac' axe a_____ .



A nanoof cooxit xa caab axaa fasna no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar faap « Fat fop a njang » fo mbokatax xa elew axe a njiriiñaa ekol ?

Laamit 2 : Xar na laltaa yee xa caac axe a mbaajana a cooxit ale no þaxañ ke ?

Laamit 3 : Kum refu a keen no jaajangin we no xet ole ?

A pind o ñuxur bind o ñuxur

Simte :

1. Um jang xa felem axe kam eel le.

2. Um yiif o ñuxur ole um bindkaa.

3. Um bind na kaye'es o ñuxur ole jofna.


Um reef teefel nahik ke :

1. O ñuxures a jofa.

2. A jega o piifi', a pi' fo meftir.

3. Um jiriiñoor xa toq axe mbarna.

4. O ðelem ole a feeña apaax kam o ñuxur ole.





Cangel 9

Kaam bug o fadand a canges

Menge o maag oxe na xaariites, a jega xa kiid xarbachay fo xa tadaq. Eksame fee na roktelel no kalaas siseem a yoqa pes fik takwiidu. Ta tay o fi'in. A jaba a cang lool. Kaa bug o ret baa fad kolees, a suur liise. Faak kirand, tokoorum, a gara no mbind naa. A moofa miñu na ndok alaa. A jeetaaya fo we ndimuuna. Yaaga, Menge oxe jangaa lesojum. Ta wondoox, waagatee daan. A laamtooxaa ke taxna boo tokoorum a yengodel meen.

No feet olaa, ye ta gatiidna ekol, ta laamit a ya'um ke tokoorum a wafiid'ina. Ya'um a muuy'oox a xooldandin ee tokoorum kaa buganin o þeem o tew. Menge a gooy, a jeem o jangatin lesojum ta **boow**. Ta laamtooxa ke xewna. Nakid a cabru, ta sutoox too gateer no waxtu a cu'ax. We ndimuuna a njaaxid a mbafin baa nqij. Ya'um a wetandoox jeetaayum fa Menge, a dalfo lool.

No baxtu xarbachay no yeng ole, o madam ole Menge a yooniidin no mbind naa. Yaay fee a daay, a farakoox o þeem. Da ngidim madam fee. Ta lay a den ee Menge kaa waag a cang lool. Ta was a cang refee kaa moy'na. We ndimna Menge a ndegit ee xan a feetatin apaax **muj** no þiy den

A tekit

tekit xa felem

Um jang xa elem axene fo a tekit den :

boow : ten refu kaa waagaandeena tig.

muj : ten refu ke o kiin a waagna ref o feet.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

þek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Sanu kaa yod o saaku le ta _____ .



2. O kiin kaa war o foñik _____ no xa þeem.



A nanoot

coodit a toon a safku no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar Menge a waru o fi' ndeer meeke fo xa kookom xa faq ?

Laamit 2 : Xar tokoor fee Menge a waafaa no mbind ne ?

Laamit 3 : Nam ya'! Menge a fi'u ye ta ga'uuna ta yoon fo o madam ole a ngaraa ?

A mbanuu refna um lalit me a toon ale refna kam o saar ole.

A pind o ñuxur

bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 10

Ndew jamaar oo

Ndew, xa kiid xarbaaxay fo xa faq a jegu. O jeg no βasilum fodee neen. Keene taxu kaa jeg jom na cang. Nqes teel ta yokooxaa, a jangatin lesoñum. A yutangaa, kaa dimle'aa ya'um, a xemband o ndebum. O waa ñaktooxaa a cufan ekol. Ndew a gatangaa too hirandookee, kaa laxadaa βaxañ, ya'um a ñootnoox.

A fudwangaa, kaa moofaa no mbind ne a aqatooxaa. O ndebum a bugaa ret a futbalik. A fi'angaan, Ndew kaa xooyan a dimle'in ta fi' calel ke madam den a simitna. Ya'um a jira kaa fadna a qool a fak. Bes, ta lay a Ndew ta waas a cang, a dimle'in no mbind ne. Ndew bugee waas a cang too a gen no topatooxaa a ya'um. Kaa ta fudooxaa ekol, a jaw a cu'ax. A xemband mbind ne, a dap a jegangaa **o daaw**. madamum a jaaxid yaam jangatee wargal.

Bes, Ndew a lool, a ret a wetandoox a madamum ke ta ñoowaa. Madam a deetik a ya'um, a jeetaay fo ten, da feet pexey. Neene, faap-o-tew fee Ndew a rokiid. Ye ta nanna muse fee, a jaba ee topatoox a cangum xan ta jeg o njiriiñ. Meene ta laytu ee xan ta xooy o βiy no ndebum, ta gar a dimle a ya'um Ndew boo ta **moy'an**. A fi'angaan, Ndew a waagat o fadatin a jangum. Ndew a d'aay teen.

A tekit

tekit xa felem

Um jang xa felem axene fo a tekit den :

o daaw : ten refu yaa mayeeroona calel.

moy'an : ten refu mat o wod.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Faapa Semu kaa topatooxaa _____ no
xa þeem.
2. _____ jeegee wiin we fop kaa njala.
3. Caaci Ndeene kaa jeem o inoox ta
_____.
4. Kaam ðeetik'u Faap-o-tewes, soþaam
ta _____ apaax.



A nanoof cooxit a caaf akka fasna no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar laltu ee Ndew oxaa yirimna a ya'um a refu ?

Laamit 2 : Kum laltu ee Ndew waagatee jang ne ta waritna ?

Laamit 3 : Xar taxu faap-o-tewum a xooy o fiy no ndebum ta gar a dimle'iid a ya' Ndew ?

A mbanuu refna, um deet no saar ole soo doon.


A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa telem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 11

A ñootnax a cegu o njiriiñ

Ekol ke o we na ñootnax. Mari fa Sanu a njanga apaax. Faapa Semu fa yaa Fatu a faaya. Da neexil a den, a þis a den no mbokatoor naa jegna fanjas fo a cang.

Ye da mbadiidna, Mari fa Sanu a **ndal** fo qaariit den. No feet olaa fanjas fee fo calel ke a ndope. Siid we maxaa calir fo fok, a ndiwaa, a fiisaa, a njangaa, a mboftooxaa. Ye da mbi'na ñaal tadic, yeeyetax we a mbokat xa caac' axe. Da mbofit a caf boo no joc olaa, a yoon fo yeeyetax dik. O joc ole kaa nib. Da þisloox ñaamel kirand fo ñasir.

A ñaay'a, miñu a sog o mbad. Asamaan fee a suptoox. A koþ ale a yaac o nibaan. Da nanaa yo'nax **com'andaan**. Muse Kulibali a lim xa caac' axe. Ta yoq a Isaa Juuf. Ta xooyel. Dara ! Xa ñuxur den a nanatilwaa, coow laa a riira. I nan « Buu !!! » Xa caac' axe a ndiid, a mbool. Da mbeçakiloox, a nga' a Isaa ta yoon fa madam Kan, da njalaa. Xa caac' axe a mbuuq : « hoo ! hoo ! I njaaxid, mboog ee Isaa kaa mo' nu ndiidlandaa in. » Fop a ceelaa. Yaa da ñaay'na baa þaatin, Madam kan a xooy a den a ñaam. Da ćut, a nomtoox no daland olaa. A nqij'a ndaa a faaya.

A tekit

tekit xa felem

Um jang xa felemaxene fo a tekit den :

com'andaan : ten refu kaa na diidlenda, a jaaxdandaa wiin.

ndal : ten refu kaa da moof nen genar.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. O njaac' onqe kaa ga' _____ na koþ alaa.



2. Genar we a mbadiida, a _____ no mbind
yaal saate fee.



A nanoof sutit o and no saar ole

Um nan-giloox too fog no calel ke.

Um jang o saar ole fop, too doon lamit ke.

Laamit 1 : Nam xa caac' axe mbi'u rend na cang den ?

Laamit 2 : An xa caac' axe yoontu no xet a cang ale ?

Um yutangaa, um lay ke xottuma no saar ole.


A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 12

Mari na fuwaar faa

No **fuwaar** fee rend, Mari kaa deetik a faap-o-tew Ami. No fiif naa ta jangna maaga ta jikoortaa kumwel mosu. Leng ke o ten jalu den, lakas ke, kumwel cosaan kaa ta jagandna. Yaa ta geeninna fiifum, kaa moof a cungaa we na njikaa. O tew a gariid, a yod ceq njaxas mosu, naa Mari a jal'ina kam wakaas ke. Ta deetin, a waxaale in, a dalfo jikin. Mari a daay. Ye o tew oxe a bugna o rabid, a liiþwatinaa ceq ne, ta deg. Ta fañat o jik, a nomtin. Xeeñ laa Mari a sum.

Ndax ta xembandin, faap-o-tewum a cooxin xaaliis, a layin ta deetik ke refna no fiif lakas kaa. Mari a ret. Leek-leek ta geenu meeke a deetaa ñirax, mbaat ta duqaa maana ñasir qas qewu. Tuñ pelu a inoora no fiif yoq ke. Fuux la ten a boos. Ta fadiid no fiif leng a xet fo xaariitum Menge. Da yoon a feetaa fiif lakas ke. Mari a jik tangal fa xa kaf a ci' teen a xaariitum. Ye ta nomtooxna no fiif ne na faap-o-tewum, ta ga' o tew oxaa gar'ina nqes naa a humoox ceq ne deg'ina. Faap-o-tewum a layin ee : « ye retoona **widik**, kaam xemband ceq ne, jikwatin o tew oxe. » Mari a daay lool, a dalfo yoon fa Faap-o-tewum da nqaad. Fuwaar faa daal a fel'a.

A tekit

tekit xa felem

Um jang xa felem axene fo a tekit den :

fuwaar : ten refu luuma maak naa na jegaa o hiid oluu refna .

widik : ten refu ret deetik mbaat ñaay'ik.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ñelem

bek ñelem le no ñuxur

Simte :

- | | | |
|--|---|---|
| 1. Um niir o ñuxur
ole too deet ke
gareerna. | 2. Um jil o ñelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Siid we kaa _____ miñu me no xaariit
den.

2. _____ a jega rend na saate fee.

3. Tokoor Kumax kaa _____ o qol olaa ten.

4. Xane, wiin we kaa ndiidyaam a jega _____
kam saax le.



A nanoof sutit o and no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar faap-o-tew Ami a jikwaa na fuwaar faa ?

Laamit 2 : Kum taxu Mari ee fuwaar fee a fel'a ?

Um yutangaa, um lay ke xottuma no saar ole.

A pind o ñuxur bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 13

Ndaftir no and

O hookom ole ne'teena no ndoofeen ne no ekol teb ke. Kalaas nadakandeer naa Madam Kan a seqna waru o dafatir no and fo ne na Muse Saaña. Ye waxtu tadik a mbadaa, a soña Dirikteer a dalin kelfa ke fo **fuudlaan** we. Yoon we o we ngimaa a mboxaa, a kañaa ekip ke.

Ndafatir ne a rop. Jaajangin yoq we sequ kaa jofna no laamit ke. Lakas we a seq hate fee. Xa elew axe fop o we mbi'aa ke da mbaagna, a ndoonaa a toon a paax. Ta nand ee kalaas fik ke oleng waagee o kendof. Oxuu dadna rek, o yoonof a daawong.

Ye ta yoqna laamit ke no lesoj **paafaak** ke, i moof boo oleng nanatee oxe na layaa. O mikoro le a geenoox. Kuraj a dalfo ñuf. Fop a njaaxid. Dirikteer fee a lay ee fat fop a cung. Xa caac axe tay a muuc-muuc naa. Ye i ndetna boo ñakaa yaakaar, kuraj fee a nomtooxiid. Ta jeg laamit mbalaku fomu. Oleng waagee o doon. Wene a ñaxañaa a qoox den, wene a ñatwaa a mbisdaa xa þay den. Sanu a deet a Mari a dalfo muuyu, Mari a nand fo o xaa yiifum a ngarna a moy o nqool. Ta doon rek, fop a mbox. Kalaasum a cooxel poñ naa taxna ta jang o ndam onqe. Ndafatir ne a fag. Yoonum we a mboolwaa. Miñee fop a naang tek, we ndeefna no ndafatir, a cooxtir xa þay a yoon a nqaad.

A tekit

tekit xa felem

Um jang xa felem axene fo a tekit den :

fuudlaan: ten refu wiin we mbuudiidna xew fee.

paaafaak : ten refu ke jeg'ina miñu kaa.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. _____ we kaa mboxan kalaas ne Mari fa
Sanu.



2. Baab Moodu kaa wetandwaa xa þeem _____
þasil den.



A nanoot sutit o and no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar siid we a mbaru mbi xaye ?

Laamit 2 : Ndeer Mari fa Sanu, an na den moyu ñof ?

Um yutangaa, um lay ke xottuma no saar ole.

A pind o ñuxur bind o ñuxur

Simte :


- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A jega o piifi', a pi' fo mettir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.



- fuudlaan
- paafaak



Cangel 14

Jambaar a feeña

A mbanuu a saxad ale a fagaa, caate ke kaa mbaknaa « **mbapat** ». Ta ref fajas cosaan. No papat ke pir ke a maafritoogu. Maaga cambaar ke a andditooge. Rend, Njemu yoqte. Maaga wakaasum maa caaci'es Xemes Jon. Xane mbir'in Duudu na maafirkaa fa Laang, mbir ne Njongoloor.

Ye da mbolooxna i nga'u ee Duudu o yaal geel oo ndaa a naanga ñaay'aa, kaa lay'aa a caf a ñamaak ale. A nand ne no xa waageerna tig. Laang a foola, a laltaa doole'um. Ta xoolin ee ten na maafkaa. Yoonum a mbuuqaa soo gawul we a mbakaa a ngimaa. Duudu a moof o mbiñ o leng. Leek-leek ta yodaa xa þayum, a muuñaa.

Yaa arbiit a fiipna, fop a tiim. Laang a ñaay' farna fa Duudu. Oxeene a dakoox a cinj, a adin a caf a ñamaakum, a fi' ne no xaa na yufaa. Laang a reefin, ta sutoox o lang ole a caf a fak. Arbiit fee a mafin, a layin ee : a jegatangaa o ñak. Laang a bug o gif a caf a ñamaak, ale na Duudu. Oxeene a ñof ne no hiiñ, a reeftin a cinj, a dam ndet ne. Laang a bug o bostoox. Duudu a yodin took a foixin duq. Fop a njaaxid. An waag'u foog kene ! Duudu a ñofa, a jega doole. Jambaar a **feeña**.

A tekit

tekit xa felem

Um jang xa felem axene fo a tekit den :

mbapat : ten refu njom naa na jangteel maafir.

feeña : ten refu waafaa tig boo ga'in, kaa mo'na a ga'el.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit o ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. _____ we na soowaa paam ekol ne
Sanu fo Mari.
2. _____ na fakaa na saate Duuduyiin.
3. Xaye direkteer fanqas a _____.
4. Muse Saña kaa jangnaa xa caac axe
_____ Senegaal.

- fuudlaan
- paafaak
- mbapat
- feeña

A nanoot

sutit o and no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Aniin yoqte mbakin mbapat ?

Laamit 2 : An fa an na maafirkaa xaye ?

Laamit 3 : Xar taxu wiin we a njaxiid ?

Um yutangaa, um lay ke xottuma no saar ole.

A pind o ñuxur

bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.


Um reef teefel nahik ke :

1. O ñuxures a jofa.

2. A juga o piifi!, a pi' fo metfir.

3. Um jiriiñoor xa toq axe mbarna.

4. O ñuxures a feeña apaax kam o ñuxur ole.



- feeña
- mbapat



Cangel 15

O ja'b na Ñaaxar

Wiin we Ñaaxar a ngij'a ñoow o yeng o nandu neene. Tenij, no ñaal luuma fee, no nqes teel fee, saate fee a feru a yo'nax. Ye baxtu xarbboxay fo ßetik a mbadna, roog a yufaaq, wiin we a ßeedaa a ndetaa. No ñofu, nqeñ ndoyu waarr a rax we yoq'ina maaga. A teþ ale a baatoox. Foofi le a bal kam saate fee. No miñeer, nqeñ ne a yetin faap ke no jijikax we fop, a maaf miir ke no pind ke. Foofi le a rok kam pind ke. A keþ ake fo a naaq ake no taxar ke a **mbeyaa**, a may tem na fat ale.

Tok ke may fo foofi, wiin we sutoox a mbaafaa o ndimle. Rew we a mbaxoox xa þiy den.

Maak we a ndimle'eel ngir o sutoox. Goor we a mbokta cegel ke ndaa andee me da þiskaa den. Miñee, i nan xa buuq. Yaa Ñilaan ga'ee o þeem. Fop a **njaaxid**. O njaac onqe a waafeel muu refna. Ye baxtu xarbboxay-fik a mbadna ta ga'e, faap-o-tew Eleen a seqin. We no mbind ne fop a faay, a ngidim a faap-o-tew Eleen. O xe yengaa, xa caac axe o we faanaa na caf no we ndimna den. Neene da mbe'tu o yeng ole fop a feetaa.

A tekit

tekit xa felem

Um jang xa felem axene fo a tekit den :

a njaaxid : ten refu a ndiid, a njomi.

a mbeyaa : ten refu rayaa mbaat ngumbaa.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

þek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Ye jir le dawna wiin mayu, saate fee _____.

- a njaaxid
- a nqubid
- a mbagid

2. Paxaañ ke kaa _____ took foofi le.

- a mboojaa
- a mbeyaa
- a sagaa

A nanoof sutit o and no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar wiin we a mbi'aa tafil fee ?

Laamit 2 : Xar taxu fop a njaaxid ?

Um yutangaa, um lay ke xottuma no saar ole.

A pind o ñuxur bind o ñuxur

Simte :

1. Um jang xa telem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 16

Cufig o jab

Ye ta debna ñaal tadik, ta muj o simid. Pind ke fo kalal ke a yaqoox. Wiin we a njaaxid a mbokatoor no nqel naa. A feetaa ne da mbi'kaa. Miñee da cok raj xa oto xaa na ngaraa. O ndimle onqaa a fadiida. Meer fee a yoon fa suu-perefe fo kelfa lakas. Da lay ke da mbi'kaa : « meeke fo yaar, i mbara o sip fiif cinj karce fee. » Xan nu cooxel o ñoow. Pasil nuu refna, xan a daaw o saaku maalo, kilo xarbboxay suukar fo o bidoñ diwliin. Xan a jeg pay fo payaas.

Boo fiif ke njaleel, we njegeerna maa da yoogooxna, a mbaaga o ndef no kalaas ke. Mayu a ndef no ekol ne. Lakas we a ndet no fog den we ndefna no karce lakas ke. Xa caac axe a mbokat cegel ke no nged o leng a cinj ekol ne. Ye midi a fadaa, a kamiyon a mbadiid na karce fee. Wiin we a mbudnaa calir ke fo ñoow ole. Da fiif ndeer ekol ne. A mber a lasit ale. Ta jeg a yaay faa tayna, a riñaa wiin we ndax ta adoox. Da layin ta cung. Ye baxtu þetik a mbadna, sapoor-pompiye ke a mbadiid. A kaþin masiin ke. Foofi le a retaa ondañ-ondañ. Ñaaxar ñofkatee o weecit **o jab** olene.

A tekit

tekit xa felem

Um jang xa felem axene fo a tekit den :

cufig : ten refu ret bis o dimle we lorooxna na taamaala.

o jaß**** : ten refu a te**ß** a mayu laa rokna kam saate fee.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit o ñelem

bek o ñelem ole no ñuxur

Simte :

- | | | |
|--|---|---|
| 1. Um niir o ñuxur
ole too ñeet ke
gareerna. | 2. Um jil o ñelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|


Aqatax :

1. Ami a adooxa na lii**ß** ale, fop _____.

2. Rew we a ata _____ xa caac axe.

3. _____ kaa yaqaa mayu no mbind.

4. Niiñax ke a ndoka no kaas foofi a _____.

- 
- a njaaxid
 - mbey'aa
 - cufig
 - o ja**ß**

A nanoof sutit o and no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar meer fee a cooxu waa no ja'b olaa?

Laamit 2 : Xar taxu we Jaxaaw ñofkee o mbeecit o ja'b ole?

Um yutangaa, um lay ke xottuma no saar ole.

A pind o ñuxur bind o ñuxur

Simte :



1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jegə o piifi', a pi' fo metfir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.



Ke gartuuna :

Ekol nuun kaa jeg qicir ngir o and o elew ole moy'na waag a cang. Kalaas nuun a war o fog teen, ten taxu nuu mbar o njil o xe naa refankaa nuun maaga. O xe naa jangnaa a nuun a coox a nuun o saar oleeke.

Bat no mbind yaa Umi

Yaa ekol a wegna boo ndiik, mexey O Njemu no mbind caaci Ndeene. Ñaal tadik ye i mbadiidkaa, no bes diboor, yaa Umi a jegu o piy o ndew. O njaac onqe kaa mos. Xaye refu bat ne.

Nqes teel yaa Umi a inu, a bogu. A topatoox o npeq onqe, a wondnin took njong ne. Ye ta yutna, a jagandu baa mos. No waxtu betunahik, fog we fo gentand we a mbadiid. A jega we moofna no xa sar axe. Lakas we a moof na siis ake yoora fiif ne. Xew fee waagafulee ropel. Elemaan fee fop a cungaa. O kor oxe yaa Umi bugee genarum a cung miñu. Ta lay a caaci Ndeene ta cooxit gon le.

Caaci Ndeene a layin ee ta cung ondik Elemaan a gar. A soña faap-o-tew Ami Kole a ruusa o npeq onqe. Yaa ta cungna kaa fadna waxtu, teen a coku o oto le na Elemaan. Kaa eet'u reef na xew fa lakas, keene miñnun. Neene yaa Umi a bisiid o npeq onqe. A as a Elemaan oxe ta ne'itkeel. Gon le no njaac onqe a layel took. Fop a faay. Naaga a kim akaa a njolit, rew we a sorxole'aa, a tama ke njiinaa. Xa beñe, tangal fo a palaat a tooñ a lastel. Bat ne fela, wiin we a nga'ir, a ñaam baa ngiñ.

Simte :

1. Niiri o saar ole amaan.
2. Jiriiñoori simte ke muse a cooxang .

a tefoot 2

Ke gartuuna :

Ekol nuun kaa jeg qicir ngir o and o elew ole moy'na waag a cang. Kalaas nuun a war o fog teen, ten taxu nuu mbar o njil o xe naa refankaa nuun maaga. O xe naa jangnaa a nuun a coox a nuun o saar oleke.

Nqorondom fa Ruul a koñ


Kom leng, kamee-kam a koñ alaa, qorondom teb ke kaa ñasoogu no dommaax de. Da njoosraa, a ndaxraa, a njalaa. Baatnee, da nga' o siir o maak olaa yoonna fo fo'ut o mayu. O leng na den a yok a Ruul a koñ fa ndew ta yoon fa xa þeem da cufaa, a mbaafiidaa den. Ta wuuq, a lay a den ee : « Cufyo, xaye i nqon. Ruul a koñ fo þaslim o we ngaraa!. »

Den fop da ndig. Oxuu refna a waafik maa ta laqookna. Yaay no qorondom ke a nan xa buuq axaa na xa þeem, a sutoox a lay a Ruul ee: « Ruul fa ndew, riirof le a magna, wo xe diidlandaa xa þees axe, too ngentand kaa jeg haq, oxuu nu ngomna teen boo ngaañin, xan nu lor a 'in. » Neene, Ruul a geenin xa þeem, a lay ee : « Nqorondom, layaa ndigil. Kaam jangnoogu xa þees ne da moytooritkaa fañ den. Andaam ee kuu jegoona jeg doole, wariro lor o kentandof. Ndaa fat o laawof a dal, oleng na xa þeef lorooxkee. Waasanaam apaax. »

Yaa da cufna na falay faa, Ruul fo þaslim a njoon ondañ, a ndet. Qorondom teb ke a ndakoox na fanjas den.

Simte :

1. Niiri o saar ole amaan.
2. Jiriiñoori simte ke muse a cooxang .



Cangel 17

A bet yiif no jir poliyo

No hookom olene fop, o rajo le xe layaa na poliyo. Poliyo bonu no njaac. Kaa taxa boo waagkee a ñaac mbaat a kaat nen yoonum. Xaye koy, we na mbetaa yiif na ñox poliyo kaa þeerkaa O Nduug. I coka den da ngaraa, xa oto xe a cufaa ondang, fop a nana a kim a bet yiif ake. Bajanu gox fee adwu, a jig o ðaay o maak. O tew o þaal oo taa jigid. O xe layaa fo we ta xettaa, a yokaa den na poliyo. A yoon fo xa caac axaa poliyo a daawna, da moof na siis akaa na cufaa. Leek-leek, xa caac axe a layaa, a **soñaa** we ndimna da ñekaa xa þiy den.

Ye da ndendaa fo mbind Kumax, siid we a cok a tokoor den. Ta yod o tablo le ta seqna, ta bindel : ñek na yetooxaa xa þiy'in. Wiin we a maya lool. Muu fodoona o nanaa coow le, xa pox axe fa rajo le. A jega goor, rew, maak fo xa caac. Fop a sawar, a njeg o ðaay o maak no ke naa fifeel. Siid we iit a faaya, a mboolaa a sipwaa nen tol teb.

Xa caac axe ndef mbaamir, a ñaay'aa a nandtaa soldaar, a letin piis naa bindeena xa ñuxur a betir yiif. Xa ñuxur axe kaa mbetandaa fop ee ñek na **yetooxaa** o njaac no jir, moy'taa koy na poliyo. Muu da þeerna a ndetaa, fuudlaan mayu a ndeef a den. We na mbetaa yiif, o we cooxtaa a kaayit a teb. Da laltaa ne wareena o fi' boo poliyo a wat meen. Ye midi a fadaa, fop a ndawa na falay fee, na bet yiif ale.

A tekit

tekit xa felem

Um jang xa felem axene fo a tekit den :

Soñaa : ten refu layaa ndax o and.

Yetooxaa : ten refu kaa na taxaa boo tig daawkirang.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafodox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Yaa Ami kaa_____xa caac axe no jir
poliyo.



2. Nek ke Mari kaa,_____na cir ake na caac axe.



A nanoot sut o ga'loof no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar xewu o Nduug xaye?

Laamit 2 : Xar taxu boo xa caac axe a moof na siis ake?

Um yutangaa, um lay oxe moy'na feeñ, ke xewna me ta xewitna, fo ne ta garitna.

A pind o ñuxur bind o ñuxur

Simte :



1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 18

Dispaaseer fa nqas

Siid we o Nduug a ngennu. Meer fee Fatik a **maxa** dispaaseer maaga. Taax mosu oo paam a qal ale. Ye siid we nga'uuna, kaa njaaxid, a mbet a kid den nen waa njomi'na. A gof-gof, o yok o magnel ole fo miirum mosu ke. Took ndokand begax ne, a jega a tablo maak. Gon le no dispaaseer fee a binde teen.

Dispaaseer fee a jega ndokand xa oto fo ndokand begax lakas maa wiin we a ndeefaa. Ndokand Begax ndeb oo, ta jeg oxe na yetwan. O yeeyetax oxe ndamaa oo, a tiim too a and calelum, a nand nen njogoy. Fop kaa niiwin. No waxtu calel, we njirna fo yoon den soom a xay'aa da ndok. Leek-leek o kiin a fuuxanin teen ndaa topatwee keene. Yaqaniran ta a muuyooxaa rek.

O rokangaa, o ga! o maax o yaaju a jeg fuloor. No njanoon, ta jeg o ruq olaa na jikoortee a tiket, a dend fa farmasi fee. No ñamak, ta jeg **fiif** ñootnoor. A ndeer dispaaseer fee, a jega taax maak naa fi'een a tok mayu. Ta bindel no tokand kaa : baadnir, Doktoor ...

Na ndok alene, o baawaadin o rokwu ndoki ndan ; a sawar, a jeg yirmande, a deettaa jiru we. A ban a ciig a ref mbaamir me na waadniteel. Jiru we a moofaa maaga a cungaa. Basil we a mbaadnooraa no tabax mosu too a xool. Dispaaseer fee a waasta yiif we a ñaac den a domna. A mbi'ane maa ta ndeefaa ndax a mbaag o ndet muu refna. Keene taxu a ngarangaa maaga, kaa faayaa, ke da njirna fop.

A tekit

tekit xa felem

Um jang xa felem axene fo a tekit den :

maxa : ten refu tabaxa.

fiif : ten refu mbaar naa jalteena daaf.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

þek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafoox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Komin fee a _____ ekol mosu kam saate fee.

• gata
• moda
• maxa

2. _____ mayu ngeen'ne no luuma fee.

• yiif
• fiif
• biif

A nanoof sut o ga'oof no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar dispaaseer fee a fi'anu we a ñaac den a ðomna ?

Laamit 2 : Xar taxu ta jeg waa na mbuuxanaa o yeeyetax oxe ?

Um yutangaa, um lay oxe moy'na feeñ, ke xewna me ta xewitna, fo ne ta garitna.


A pind o ñuxur bind o ñuxur


Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A juga o piifi', a pil' fo mettir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 19

O jool ole

Xa caac' axe no ekol fee kaa njeg dom. Ñaal þetik too xaariit den Menge jangiidee. Jir domu, laa na xooyel **o jool** damun. Da ngatiid, **a tay** o nga' a caaci Diiboor fee deetik'ina a Menge. Caaci Diiboor a wetandoox a den ne ta soþitna a Menge. Kaa soþin ta wondoox no maax ole no mbind ne, a xij lool. Ya'um fa faapum a moof a paamum, a njomi. Mbind ne a naang selew, dara yo'nooxee.

O ñis ole a yuuraa, a kid ake a uut, a loolaa. Waagee ga' apaax no njee'c ne. Ta oqotooxaa rek, a nantaa oxaa moy'na o xij. Cerum a sum lool. A til a yeeq a sutooxiid no mukit ne. A njega itam no xa fek axe, laqa nof ke, no cok ole fa caf ake. Ye dogtoor fee a garna no mbind ne, a yaþatnoorin, a ga' ee xa pus axe kaa moy' o ndanig. Menge o xe yac, a tayil.

Xa caac' axe a njaaxid, caaci Diboor a layna den boo yut, o anddiloor o jool. Sanu fa Mari a moy' o mbet a kid den, a ndiid lool, a naang yog nen ndiif nqupu. No mbind den nanatiro maaya dara. Kaa ndiidaa Menge a xab a den no jir le. Caaci den a daland o laaw den apaax, a lay a den ee baa da ndiid. Ye ta moy'na nef xa caac', ya' den a bis'a den da ñeku. Kaaga taxu o jool waagankee den tig.

A tekit

tekit xa felem

Um jang xa felem axene fo a tekit den :

o jool : ten refu o ñas.

a tay : ten refu a mbutoox, a yakamte.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafoox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Tokoor Kumax a _____ bitik maak paam
a fat ale.
2. _____ ke no luuma fee a yena.
3. Dogtoor fee a jangna den mayu kaa jofna no
_____.
4. Kompo ke cuta, elew ke _____ wakaas
ke.



A nanoof

sut o ga'oof no saar ole

Um nan-giloox too fog no calel ke.

Um jang o saar ole fop. Um doon laamit ke.

Laamit 1 : Xar damu a Menge ?

Laamit 2 : An fa an na maafirkaa xaye ?

Laamit 3 : Xar taxu Sanu fa Mari a ndiid ?

Um yutangaa, um lay oxe moy'na feeñ, ke xewna me ta xewitna, fo ne ta garitna.

A pind o ñuxur

bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi!, a pi! fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 20

Moytoox a cir

Oxe adwanna dispaaseer fee, njool yaxgu oo. Xaye no karce in, o Nduug, kaa fokat wiin we. O xet ole a refa maa yaajna, a xool qac. Ta jeetaaya fa den ne jir a moytooreel. Ndoki ndan a rokooxu, a moof a **jasnoor** fa den. Wiin we a mbi' o lang. Yaay ke a moof na siis. Da ndoon xa caac axe mbaamir den, na banj. Goor we a ngeenoox a cinj, a nan-gilooxaa.

O kawul oxe, o kiin o neewu, a rokoox tiset mbinde o xool fo xooland. A geenoox no ñamaak doktoor fee, a jiin, da ndop.

Dogtoor Caam a simin baa yut, a lalta o ðaayum ne fop a ngarna, a laya den ða mbaasanin na sumaan ale no mbaar ne da moofna. Ta dakoox a lay no njiriiñ o qoolel cer, mbind fo a fat. Ta wetand wiin we da topatoox apaax ñek ke no xa caac axe. Kaa xooyit o xet no karce ne, ndax a soñ win we da moy' o njofnoox, a njiriiñoora kebil kene.

Bajanu gox fee a gar'a, o tew o podu, a rokoox rob yeeq. O ten safkandoogu falay fee no dogtoor fee. A laya wiin we da topatoox apaax o wood-fo-baal den fo no ðasil den, xooland pindke ne dispaaseer fee a xoolitna. Keene na fegaa den na cir ake. Oxe moofanna ngoor we a lay ee xa tebandoong axe, a ngumnooxa a ngeenoox. Xan da ndet no mbindoo-mbind ndax a ndaawin wiin we ke dogtoor a layna. Maak we a yoono teen, a lalit teen o daay o maak.

A tekit

tekit xa felem

Um jang xa felem axene fo a tekit den :

jasnoor : ten refu faamnoor mbaat faamir.

kebil : ten refu xa as.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Madam Kan kaa geenoox, a _____ fo elew ke.
2. O reefangaa _____ no we ndimoonga xikiro no ñoowof.

- gecnoor
- jasnoor
- xaajoor

- xojil
- mucil
- kebil

A nanoof sut o ga'oof no saar ole

Um nan-giloox too fog no calel ke.

Um jang o saar ole fop, too doon lamit ke.

Laamit 1 : Xar o xe adwanna dispañseer fee a jeetaayaa fo we o Nduug ?

Laamit 2 Kum taxu jeetaay le no xe adwanna dispañseer fee a haal we o Nduug ?

Um yutangaa, um lay oxe moyña feeñ, ke xewna me ta xewitna, fo ne ta garitna.

A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 21

No caate maak ke

Ndiiki, caate ke i ngenna kaa magin taa may wiin. O Ndakaaru, peey fee Senegaal a laltaan. Kam karce ke, pind ke kaa mbiiq, wiin mayu a ngen teen. Wiin we mbaagee o miñ kam pind ke yaam a sumaan. Xa caac axe fo maak we kaa sutwaa, a ndef no mbed onqe.

Ped ke a nqumb lool, coow le a may. Oleng waagee o ñoot apaax yaam fo uut ole fo fosuun ole na xa oto xe. A qal ake a mbiiq yaam xa oto xa mayu. Fop a naang tek. Oleng retkee oleng garkee. Jijikax we a ngeenoox ndeer a qal ale, kantiin ke a ndef paam a tali le. Yaal puus-puus ke fo yaal a taabal ake a faat a piiq ale na fat ake. Kam karce ke, coow le ee kur.... A yengangaa o faan a **jafeñ** yaam saate fee a xumb. O oto leel a niidangaa gar oleng waagkee o ñoot yaam tuñ peleer.

Keene fop taxu boo wiin we a njeg o njaaxid no wod-fo-baal den. Ngir o dax jangaru feene, xan kelfa ke a njeetaay fo wiin we, a lalit a keen den. Pind ke fop a njeg yipir ndof kaa na afneel too xa oto xe a þeeraa meen no ngap nuu refna. Xan a fat ake a yaajandel too baxtu yoq ke a mbadangaa, mbak ne waajel.

A tekit

tekit xa felem

Um jang xa felem axene fo a tekit den :

ped : ten refu a fat a maak maa wiin we, cegel kef o xa oto xe a þeeraa.

jafeñ : ten refu kaa yoobeerna, kaa domna jeg.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

þek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Yuf ñofu kaa _____ a Sanu.

- luñ
- muuñ
- jafeñ

2. No _____ ke faap-o-tew Eleen a moofaa.

- xed
- ped
- sed

A nanoot

samandaal ke moy'na o mbeeñ no saar ole, me tige jegitna fo ne ta jegitna

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : xar taxu boo wiin we mbaagee o miñ no pind ke?

Laamit 2 : Xar na baataa a piiq ale na fat ake?

Laamit 3 : Ne saax le nandna, xar a waagu bisiid no wiin we ?

Laamit 4 : wum pexey mbaagu o fax ke xewna ?

Um yutangaa, um coxit a nandoot o saar ole.

A pind o ñuxur

bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.

2. A jega o piifi!, a pi! fo meftir.


3. Um jiriñoor xa toq axe mbarna.

4. O ðelem ole a feeña apaax kam o ñuxur ole.





- jafeñ
- ped



Cangel 22

Ekol fa nqoolu

Ekol fee Njoob oxe refa no ndokand ne na saate fee. Kaa mos, a jeg kalaas qenu, waa mbi'na o lox. A jega o maax, maa xa caac' axe a ñastaa, na **ñootnax**. O rokangaa kam ekol fee, o ga' ne ta xoolitna.

Espekteer a gar no ekol fee, no kirand leng. Ye ta famirna fo ten, ta ga' o njaac' a seedaa took miir fee. Ta xet fa dirikteer no ndokan ne, a layin ee kaa war o topatoox o qoolel ole no ekol fee, yaam ke ta ga'na a jom'andta.

Ndaa ye ta rokiidna, a jega o mbet. O qoolel ole no ekol fee eetun o jaaxdat. Taax ke a ndanig fur, a nqool qac. Oxuu ga'na den, a andee kaa topatooxel apaax. A jega taxar maak cegu yook a ndeer kalaas ke. O maax ole kaa yaaj, lanq ke a nqool. Xa elew axe fo jaajangin we na nqoolandan. Meene elew ke a ñastaa to ngaañooxkee, ñirax den iit ndodigkeer. Dirikteer fo meetar ke kaa mbi'aa fop boo o maax ole rodigkee. Ta waag o ref maa na foftoortee, a qicirteel. Espekteer fee, xeeñum **a but** lool no ke ta ga'na. Ta jookanjal apaax a dirikteer fee, meetar ke fo elew ke, no qoolel ole no ekole fee. Ta gidim iitam oxe adooxanna we ndimna xa caac' axe fo we yoonum.

A tekit

tekit xa felem

Um jang xa felem axene fo a tekit den :

ñootnax : ten refu rekeryasonj.

a but : ten refu a ñaay.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ñelem

bek ñelem le no ñuxur

Simte :

- | | | |
|--|---|---|
| 1. Um niir o ñuxur
ole too ñeet ke
gareerna. | 2. Um jil o ñelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ñedefna no eel le. |
|--|---|---|

Aqatax :

1. No waxtu a _____ xa elew axe a ñasta kam
kam o maax ole no ekol fee.



2. Faap-o-tew Eleen kaa ga' a Mari rek xeeñum a
_____.



A nanoof

samandaal ke moyña o mbeeñ no saar ole, me tige jegitna fo ne ta jegitna

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar ðaaynooru a espekteer fee ?

Laamit 2 : Kum taxu espekteer fee a jookanjal we na yo'nooxaa no ekol fee ?

Um yutangaa, um coxit a nandoot o saar ole.

A pind o ñuxur

bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 23

A yaq ale no widand ole

Sanu, Wiktoor fa Mari qaariit oo. Den naa yoonaa mbanuu refna. No wakaas Noyeel, Madam Kan a coox a den calel kaa njofna no and o widand ole.

Qaariit tadik ke a ndet na þeeraam ale no maag ole Kawlax. Ne o maag ole a nandna a jom'and a den. Leek-leek foofi le a nand nen ndaw. Leek-leek ta bulo, mbaa ta hoþ, no ndiig mbaat no ciid. Xa caac axe a nga'oogu yoon den **a ndayaa**, a ndaxraa fo liþ teb ke naa melecaa. Ndaa a miña too oleng ga'atee liþ teb keene.

Taaq mayu a ndayaa took foofi le. Muu ðeetoona, xa moon fo puus teb fo maak, nandeer, a pictoor. O maag ole a rodig. Sanu, Wiktoor fa Mari a laamtooxaa : « Kum taxu wiin we a ndebaa ndof no maag ole ? Xar taxu da yaqtaa neeke o widand ole ? »

Na diiboor faa, da lay ee kaa ta nqoolandaa me widna o maag ole. Xa caac axe ndoku yelefu kaa da njalitna, a mbaaf yipir ndof, xa leelir fo xa rato. A ngisa leel ke fop, a mbatin ndof ke boo fop a xool. Xa caac axe þisiid iitam a paan a maak, a mbarin teen puus ke fo palastik ke. Den tax'u boo o maag ole a xoolatin, a dakoox no moselum.

A tekit

tekit xa felem

Um jang xa felem axene fo a tekit den :

a ndayaa : ten refu ndof a ndef took foofi le.

faaq : ten refu ndof mayu.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafodox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. A teþ ale a maya, saate fee a jaþ þaxañ
ke_____ took foofi le.

2. _____ ke o we muu refna kam saate fee.

- a njayaa
- a nqayaa
- a ndayaa

- faaq
- yaaq
- saaq

A nanoot

samandaal ke moy'na o mbeeñ no saar ole, me tige jegitna fo ne ta jegitna

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar qaariit tadik ke a nga'u ye da ndetna no maag olaa ?

Laamit 2 : Kum taxu wiin we ndodgandaa o maag ole ?

Um yutangaa, um cooxit a nandoot o saar ole.

A pind o ñuxur

bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 24

Yetoox a koþ'in ale

Mari fa Sanu kaa mbudoox, a mbuux. Ye da nqaadaa, da nqet fo þaak naa na loolaa. Xa qofum a yaay, ta weer koj, a jeg naqad fa maak. Xa caac' axe a laamtin. Tee jegatee yaay, jegatee faap. Wiin soxodu ngaru fo masiin fo laþ, a mbar a den. Ta and ee ten na reefkaa. Ndiiki da mbariidin. Ta baat ee «: a koþ ake kaa mos'u. Taxar **neep** fo daaf mayu a mbid o genand ole. Paak, mangu, koko fo taxar lakas a neep'u lool. Ndaa feetyo ndiiki. Lanq ke kaa ngodomel, a mbeer koj. Taxar ke fop a nqonaa.» A gija toq meene.

Naqad fee no þaak ne a mat o loolnoor xa caac' axe. Da cuf a laykin a madam den. Keene i mbara ngeenoox teen. Ta fokat xa caac' axe no mal teb. Xa caac' xa tadaq axuu nedefna kaa njmbkaa o xeet fa leng taxar. Da ngas a semb santimeet 15 boo 20 no qoodel. Da yip teen a tos. Ye keene faafna, da þek cimb ke, a uup, a yip foofi. Ye fop a yutna, Dirikteer a xooy xa caac' axe fo we ndimna den a lay ee «: a koþ ale a yetwangaand faaxkee na in. Fat i moytoox a feg ale no taxar ke fo **xa ñaay** axe.» Ta jookanjal a madam Kan fo elewum.

A tekit

tekit xa felem

Um jang xa felem axene fo a tekit den :

neep : ten refu taxar kaa sagitna a mos.

xa ñaay : ten refu a koþ alaa na doxaa.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

1. Um niir o ñuxur
ole too ðeet ke
gareerna.

2. Um jil o ðelem
ole jofna no
ñuxures.

3. Um yipafoox xa ñuxur
axe na kaye'es soo fa-
datinin fo xa felem axe
ndefna no eel le.

Aqatax :

1. Yetoox a koþ ale fo taxar ke a waaga tax da

_____ .

2. Mari fa Sanu kaa yip a _____ kam a semb ale.

3. _____ faaxee na koþ ale fo taxar ke.

4. Mari oxe fuudaa _____ xas le no taxar ke.



A nanoof

samandaal ke moy'na o mbeeñ no saar ole, me tige jegitna fo ne ta jegitna

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : xar ſaak ne a loolaa ?

Laamit 2 : Xar taxu dirikteer fee a jookanjal a Madam Kan fo xa elewum ?

Um yutangaa, um cooxit a nandoot o saar ole.

A pind o ñuxur

bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 25

Tok a njega o njiriiñ

Fagunfaak no wakaas ke, ya'es kaa bisaam no saate caaci'es. Kaa bug'u um ret o piñ o lakas, ga'a den, and lakas. Maaga, wiin we foofi a mbeel soom a njegu. Foofi le oxe hataa na loomb ke Dindifeloo. Kam xa qol xa mayu taxar taa neep a mbi'u o genand den. A yaarangaa, kaa i ndetaa na koñ alaa, nqaylook a nuukuur.

Mbind nuu rokoona, tok kaa njaltel daaf fo fok. Kam tok ke kaa buuñ, a fel. Tok kaa njeg solo lool no ñoow ole no wiin we. Qaw ke fok a njalte, þaxañ yoq ke iitam. Caaci'es sax a jega ceq naa jalteena fok.

Ya'es a **watik-kumpa** o tew o leng oxaa na maxaa qaw. Ta seq o mool fok, a jalan calel qenu. Tok ke a suptooxaa, a bodaxaa, a nand nen nqaw naa jegna xaa þay. Ta muj o ref o kaas, o tew oxe a ci'aam o ten. Ya'es a deetaam a muuy'oox, a layaam ee : « ga'aa ee o kiin a rimange, kaa nandaa nen o mool fok. We na seqkang fo we mbidoonga na mbi'kang ke o refkaa. Den na taxkaa o faax mbaat o faaxafar. Lanq, foofi, fok kaa njeg solo no ñoowoof. O jegel'in a refu, in mbogun. Kaa i mbarin o yetoox too mbugin.»

A tekit

tekit xa felem

Um jang xa felem axene fo a tekit den :

fagunfaak : ten refu o hiid ole faafna.

watik-kumpa : ten refu oxaa andoona ee kaa bug o and kuu refna.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ñelem

bek ñelem le no ñuxur

Simte :

- | | | |
|--|---|---|
| 1. Um niir o ñuxur
ole too ñeet ke
gareerna. | 2. Um jil o ñelem
ole jofna no
ñuxures. | 3. Um yipatoox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. _____ Ami a roku ekol.

2. _____ xeq laa faap-o-tew Eleen.



A nanoof xa ñaañ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : o saar ole na xar a layaa?

Laamit 2 : Xar xalaato no njaac onqe?

Laamit 3 : O saar ole a qaañ a podnum a jegu ?

Um yutangaa, um hib a qaañ no saar ole.

A pind o ñuxur bind o ñuxur

Simte :


1. Um jang xa felem
axe kam eel le.


2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A juga o piifi', a pi' fo metfir.
3. Um jiriiñoor xa toq axe mbarna.
4. O ñeñelel ole a feeña apaax kam o ñuxur ole.





Cangel 26

Saax doonwu na fat

No jamano fee ſaabaaan ke a layasa, Ndol kaa mos o gar a deetiid a Jogoy. Kaa waafiid'u o and ne saax a ñaaytaa. Saax le kaa doonoox'u na fat. Paam Jogoy, o maad a koñ ale, kaa jeg'u waa moofanna ſaabaaan ke fop. Kaa nqetoogu yoora mbudaay leng maak. A njeetaayaa no kaa jofna na **fat** fo o ñoow o domu le no saax le. Mbokatoor ne, maak daduk adwan'un : Ñiig, Ñiig-o-maag fo pis-a-kof.

Mbokatoor lakas ne ndef'u we na ngate'aa. Njamala, y'axal fa Goy adwanun, a layaa ſaabaaan ke fop da ndeef ke a fat a ðaapna. Pind mosu a maxu na karce fa leng na peey fee. Pind ke kaa tañir, a ndeepatir. Goor we fo rew we ngen'ina maaga, na yetooxaa saax le.

Den na yetooxaa a **tet** ake da njegna fo a saax a lakas ake. Kaa njangoogu xa fiy axe no ſaabaaan lakas ke, no mbiñ o lakas onqaa da njilna. Dogtoor goor fo rew na mbaadnaa we njirna. Ne saax le a ñaaytaa kaa jom'and a Ndol. Oxuu refna kaa fi'oogu ke waruuna, to luubinkee ke geenneena. Fop a anda ee jiko fa mosu o xe fertaa na reef a fat.

A tekit

tekit xa felem

Um jang xa felem axene fo a tekit den :

a fat : ten refu kaa wareena o reef ngir o ñoowoof o felu.

a tet : ten refu me a caax a fak a nqetna.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. O _____ a jega foofi felu a ßogax.
2. Oxuu naa _____ kuu daawoonga wo fi'un xooxof.
3. Mari fa Sanu kaa njang baa and ke _____ a layna.
4. Ndeer a caax a fak a _____ xaju den a layna.



A nanoof xa ñaañ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : mam mbokatoor ne na maadanaa ñaañaan ke a nqetaa ?

Laamit 2 : Xar taxu Ndol a jomi?

Laamit 3 : o saar ole a qaañ a podnum a fodu?

Um yutangaa, um hiñ a qaañ no saar ole.



A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriñoor xa toq axe mbarna.
4. O ñelem ole a feeña apaax kam o ñuxur ole.





Cangel 27

Sañ-sañ Buubu Goy

Buubu, a koy o teb a ciyu a refu. Xa kiid xa tadaq a xey, ta jangaa ekol. Xa kiid betuu nahiq soom a jegu ndaa pañtee ta and **sañ-sañum**. O tew oxe naa jangnan andnun o ten, fo we no kalaasum.

Buubu Goy koy, me ta genna kaa mos lool. O qol o neepu refu maaga fo taxar magnu. Ke Buubu a moyna o bug refu ɳaay took taxar ke a foolaa sipwaa. Leek-leek ta yaandwaa na naaq ake. Coow le naang kur kam mbind ne. Keene taxu, we no mbind ne fop a **njambataa** ke Buubu Goy a fi'aa.

xa caac, maak, goor, rew, fo gentand. Oxuu layna, ta ga' a xooxum, a fuux. Ndak-fo-ndak, ta geeñaa, a wuuqaa, a jambataa ee ke ta fi'aa kaa reef a fat. Ta lay ee ret jangik sañ-sañum oo. Neen iitam fañas no taxar ke a reftu sañ-sañum moytaa koy a jangangaa lesoñum baa yut. Ya'um kaa faraa fo ten mbanuu coow a jegna. A dama ee o þeem o yarwu oo. Yaa ta jangna baa yut soom a ɳaayaa no taxar ke. Ke ta refaa o njaac no mbind ne fop, a ware jaban sañ-sañum.

A tekit

tekit xa felem

Um jang xa felem axene fo a tekit den :

sañ-sañ : ten refu ke warna o kiin.

njambataa : ten refu layaa no kaa jomi'andtina.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafodox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Oxuu refna a jega _____ no ñoowum.



2. We ndimna xa caac axe kaa _____ a cang
ake den.



A nanoof xa ñaaþ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Kum refu sañ-sañ fee Buubu Goy ?

Laamit 2 : Xar taxu gendtand we Buubu Goy a njambataa ?

Laamit 3 : O saar ole a qaaj a podnum a jegu ?

Um yutangaa, um hib a qaaj no saar ole.

A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 28

Na Ndumbelaan, a cang kaa war

Kom leng, na oktoobar, a koñ ale a mosa, daaf le a may. Muumeen ke fop a anda ee wakaas ke a mbaga, xa caac axe mbara njangik. Kom ne na bet ale, Jogoy, o maad na koñ ale, a ñaktoox pelu. Ta yut, a foftaa a caf boo me na jangteel. Kaa deetkaa ndax fop o we na jam.

Ta rokoox sabadoor ndaawu fa xa maraakiis xa yeeq, a ret. Nganj ne a adnu, a wet xa ñis axe. Wiil le a yetaa, a moy'in o magnand. Ndol, naa asan, o xe a paamum. Muu ta joonna, muumeen ke a yuug a simnin, a ci'in ta suur. Ye ta joonaa xa qol axe, ta ga' a Moon fo basilum a ñasaa, a mboolaa, yenaa, a mbuuqaa.

Jogoy a fi' nen oxaa ngic a dibna. Ta hafat boo Ndol a fog ee xan laawum a sutoox. A koñ ale fop ee yereng, oleng sadee yo'noox. Jogoy a layin ee : « Moon, xar taxu xa caac axe ndetee a njagik ? » Moon a diid, a bëbaa, a sendaa. Ye Jogoy a matiidan, ta yuf a rok kam a koñ ale. Jogoy a lay a Ndol ta ret, a yegil fop ee ndiki, xa caac axe Ndumbelaan fop na njangkaa. Ta fel mbaat ta gefar a den. Oxuu fi'eetuuna, o doonel **maal** fomu.

A tekit

tekit xa felem

Um jang xa felem axene fo a tekit den :

a бебаа : ten refu a layaa ta boowaa, fa lay ane xoolatee.

maal : ten refu doon o kiin kaa ta rabditkaa tooñum.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ñelem

bek ñelem le no ñuxur

Simte :

- | | | |
|--|---|--|
| 1. Um niir o ñuxur
ole too ñeet ke
gareerna. | 2. Um jil o ñelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ñefna no eel le. |
|--|---|--|

Aqatax :

1. Yaa Umi kaa bet a Sanu kam a ndok ale rek
ta dalfo _____.

2. Tokoor Kumax kaa doonel _____
njegu doole.

- a jalaa
- a ñayaas
- a бебаа

- maal
- saal
- баал

A ñaaoft xa ñaaþ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 Kum xalamo na keenoof ale maad Jogoy ?

Laamit 2 : O saar ole, a qaaaj a podnum a jegu ?

Um yutangaa, um hib a qaaaj no saar ole.

A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriiñoor xa toq axe mbarna.
4. O delem ole a feeña apaax kam o ñuxur ole.





Cang 29

Mbind no yaal saax le

Mbind no yaal saax le o xe refa O Ndakaaru. O mbed o maak onqe ne'een Leopool Sedar Señoor reefu na carin alaa. No **pind maak** ke a fogu. Taax maak a refu, a ranig, a ga'noox. Ke o eetaa ga' refu sandarma dik waa ngeenuna **jad**. A ndokoox ñirax yeeq kaa njegna þaal. A cinj den, celem þaal ciig a sipel, cat ke a mbeel.

O rokangaa, faap yeeq o ga'aa. Maaga o beeraa boo daaw taax maak naa. O ga'aa no saax oluu refna daaf laa topatweena baa mos. O yodangaa a kidof, o ga' a laay ale no saax le. A jega a laay a teb a lakas alaa refna duga'um. Aleene na laltaa ee o yaal saax le o xe mein.

Taax maak ne koy, etaas tadik a jegu. Boo o ñaayaa na escale ke, a jega no saax oluu refna samandaal njogoy. No ndokand maak o beeraa ngir o rok kam taax ne. Fop ee cel, muu refna a xool qac. No maax ole, xa oto a ngeenoox no saax o janoon ole. Muu deetoona, sandarma ke o we ngeenoox. Cinj mbind ne kaa jasnoor fo o maag ole ; nqeñ þuubu a wuudaa. Mbind ne daal oleng waagiran o joon too deetino.

A tekit

tekit xa felem

Um jang xa felem axene fo a tekit den :

pind maak : ten refu pind cegu gon no saax le.

jad : ten refu geenoox a cofu fañ o yo'noox.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafloo x a ñuxur
axe na kaye'es soo fa-
datinin fo x a felem axe
ndefna no eel le. |
|--|---|---|


Aqatax :

1. Mbind no yaal saax le Senegaal kaa fog
no _____ ke .

2. O yaal saate fee kaa _____ we ngodna

3. O soldaar oxe kaa geenoox, a naang
_____. taxar ke.

4. Sanu kaa diid baa _____.



A nanoof xa ñaañ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Mam mbind no yaal saax le a refu ?

Laamit 2 : Xar a laay a teb ale a tekstu ?

Laamit 3 : O saar ole na xar a layaa ?

Laamit 4 : A qaañ a podnum njegu no saar ole ?

Um yutangaa, um hib a qaañ no saar ole.

A pind o ñuxur bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 30

A fing ale ekol'in

Ekol fee saate'in kalaas xabaxay fo fik a jegu. Miir ne widuuna a jega begax fik. No begax ndeb ne i ndeefaa ndax i ndet na fing ale. Muse Seen, o meetar no kalaas fikandeer, adooxanu we na topatooxaa a fing ale ekol. Kalaas maak nuu refna, kaa jil o koor fo o tew. Weene ndefu mbokatox ne na topatwan.

A ndeer a fing ale, a jega xa robine fo mbalka. Xa elew axe kaa ceeewaa mbalka ne boo ta may tem, ñaal nuu refna. Keene na taxa da njeg foofi, o robine le wegangaa. A fing ale a jega a roswaar, a peel, rato fo xa burwet. Kaa xooxel lujum fo kaa na rimaa. O rokangaa kam a fing ale, cimb ke no lujum ke kaa mbi'el ranj maak. Fo fat fo ndeb a nqaaj a den. No ñamaak, cimb ke saxna kaa mbi'el **a mbid** nen a saang. A fing ale kaa **neep**, taxar maak mbidun.

Xa elew axe na njalaa na fing ale kaa mbugin, a sawar. Maaga da njangtaa fop no tuufe-duufe. Fop a foorangaa, a fing ale kaa felaa ga'el, a jeg tuñ pelu. A mboqangee, xajaj fee no lujum ke a geekanel kantiin ne no ekol fee. Lakas ke, a jikookel na luuma faa. Xa elew axe na ngeekaa xaaliis fee. A ndabdaa ke na jikeel fo faktiir ke no foofi le.

A tekit

tekit xa felem

Um jang xa felem axene fo a tekit den :

a mbid : ten refu a mbiriloox, a laq.

neep : ten refu saqit daaf mayu a xuβ.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafodox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Wiin we kaa mbi' olang _____ ndaxar ne.



2. Ndiig ne mosa, a koþ ale fop kaa _____ .



A nanoof

xa ñaaþ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar duufe no ekol fee ?

Laamit 2 : Nam xa caac axe a mbi'aa xaaliis fee da nqottaa na fing ale no ekol fee ?

Um yutangaa, um hib a qaaaj no saar ole.

A pind o ñuxur


mefit o ñuxur

Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A jegə o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.



Ke gartuuna :

Ekol nuun kaa jeg qicir ngir o and o elew ole moy'na waag a cang. Kalaas nuun a war o fog taaga, ten taxu nu mbar o njil o xe naa moofan kaa nuun maaga. O xe na jangnaa a nuun a cooxaang o saar olene.

Mbofit a caf boo no quuraan kaa

Ngoor kaa teel o yoku xaye. Ta ga' njeec ne a wataa, a mos. Kaa ðaay, dagid le a melecaa. Xaye, kaa fatkaa suum. Tokoorum Kumax a yoonitkaa fa xaariitum Bure. Den dik kaa nand ciko ndaa a keen den mbodee. Ngoor kaa yaxig, a raf, a xoc. Bure kaa balig o þalgel o mosu, a jigid, a jeg cer. Muu soþoona den, den naa yoonaa. Xa caac axe fo tokoor den a ndoku kaa murna cer den apaax. Da ñaayaa a ndet na koþ alaa. Ye da matiidna, a cok ndaxar naa jegna o sungaar. Ngoor, Bure fa tokoor den a ndoku xa gañ boo no xa noonoong den. Oxuu refna rokoox o maxana'um, a muur xooxum fo piis yelefu ndaxar naa jegna o sungaar. Ye da cutna, da laqoox ndaxar ne. Tokoor den a lay a den ee o suun ole a rokangaa kam o sungaar ole, quuraan ke kaa ndiidkaa, a yer no su-um ke, a mbay, a ndalfo faan. Ye keene a jegna, Kumax a bek a teex ondang no sugum ole, a wetin. Suum ke a mbeeñ, a nqeeñaa muu refna. Ta rung o sungaar ole, a yipafloo suum ke na xa pot. Xa þay axe no xa caac axe a taþ suum da metaa den, a metwaa.

Simte :

1. Niiri o saar ole amaan.
2. Jiriiñoori simte ke muse a cooxang .

a tefoot 2

Ke gartuuna :

Ekol nuun kaa jeg qicir ngir o and o elew ole moy'na waag a cang. Kalaas nuun a war o fog taaga, ten taxu nu mbar o njil o xe naa moofan kaa nuun maaga. O xe na jangnaa a nuun a cooxaang o saar olene.

Faapa Aali

Faapa Aali refu oxe moy'na waag a paal na saate 'in. O ga'angaan, ta ref o koor o taþu, a nandtaa o cegu katan. Kaa njaxlaf koy, a nandtaa o waxambaane laa jegna xa kiid qarbeen-fik. Xa þay axe a safik koj yaam paal medu ke ta miñna qiccaa. A maya jam taa faax no halalum. O kiin o paax oo, too iitam o paafaal oxaa andna calelum a refu. Oxuu soxla'uuna, no maag olaa o soþkan yaam a paal soom a andu. Retkee no maag muk too rokooxee palto ne naa taxaa mudkee. Kom leng, no nqes teel, Faapa Aali a dooq mbaalum, a debin no maag ole. Nqeñ ne a buub, a kuy ale a may boo o kiin ga'atee kofu.

Faapa Aali a deb mbaalum. Ye ta moofna baa baatin, ta jeg ee mbaal ne kaa med. Ta yuug ee kaa qickan, a yageeyag ale a yo'in suk ne. Faapa Aali a girdoox, a yen no foofi le . We ndeefna na feeraand ale a mbuuq. Ta jeg waa layna ee fat i cufgikin . Ndaa ye da njegkaa suk lakas, da cok a Faapa Aali ta damloox no xoox le no suk ne. Ye wiin we a mbadiidna, a soþ ta pok mbaal ne fo o bayum o lakas ole. Da ndamtin ta qic mbaal no boo no suk ne. Ndikee ke mbaal ne a damna no liþ mayoodu. Den fop o laaw den a dal. Ye Faapa Aali a sutooxna, kaa las fop no liþ ke.

Simte :

1. Niiri o saar ole amaan.
2. Jiriiñoori simte ke muse a cooxang .



Cangel 31

Nanoor

Caate tadik ndeefu meen, **muumeen** ke a ngen teen. Muumeen ke na fooodaa ngen'u no saate fa mberaand fee. Tiif ke a ndeefu na fa fikandeer fee. We na ñaay'aa fa caf a nahak a ngen'u no fa ndadkandeer fee. Da nqasraa a mbanuu refna.

Ta jeg bes, taamaala a genarwiid maaga. A mbeel a leng ale fokat'ina den, ten muju o ñjis. Maaga a yertoogu, a mbaalaa, a nqooxaa maaga. Ndax da sutoox no taamaala feene, a faapa pexey mayu ndaa tus ñaay'ee. Da njaaxid.

Bes, jini fee na mbeel ale a sutoox a laya den ee : « Nu mbugangaa jam a sax meen, xan a qeeñ ake a ndef leng, dara jafeñkee nuun. » Neene, muumeen ke a nqet no **tambando** faa a cooxtir xa ßay, a mbaasanir xaq. Ye a tagit ake nqoolna, da nan foofi le a dalfo bal. Ndak fo ndukax, a mbeel alaa may.

Neene, jini fee a lay a den ee : « Nu mbugangaa jam a sax meen, ndeefyo ke um simkaa nuun :

- Gay xaq no kentand ;
- Dimle' o kentandof yaa ta jaaxidna ;
- Jiriñoor ke fop a mbogna ne ta waritna ;
- Moytoox fop ke naa yaqaa o widand ole ;
- Fañ o bisiid o njom'andaan kam saate fee ;
- Njeetaayaa na jam no kuu na ñaay'naa saate fee ;
- Ndimle'raa mbanuu refna.»

A tekit

tekit xa felem

Um jang xa felem axene fo a tekit den :

muumeen : ten refu cegel a koñ.

tambando : ten refu a þeeraam o maag mbaat a mbeel.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

þek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. _____ ke na koñ ale a ngenu.

2. Xa caac axe o we ñasaa no _____ fee no
maag ole .

• ndoofeen
• dodeen
• muumeen

• tambando
• jiko
• mbaldo

A nanoof xa ñaañ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole no xar a layaa ?

Laamit 2 : Muumeen nandu num ndefu na saate fa fikandeer fee ?

Um yutangaa, um hib a qaaj no saar ole.

A pind o ñuxur bind o ñuxur

Simte :

1. Um jang xa telem axe kam eel le.
2. Um yiif o ñuxur ole um bindkaa.
3. Um bind na kaye'es o ñuxur ole jofna.

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.







Cangel 32

Ke warna o ßiy no we ndimuuna

A jega ke warna o ßiy no we ndimuuna. Yaaga boog xaariites, dami apaax too reef xa as axene.

Ke adooxna teen refu :

- ðaayand a den too ci'a den cer ;
- moytoox o fuuxnooraa den, waafaa kaa na ðaaynaa den muu refoona ;
- nananaa a den, reef xa as den, moytoox ke da mbañtaa ;
- **aswaa** den yaa bugoona rok no tig yaam a yiif den a njega solo.

Ke reefna teen :

- geenoox no topatoox a den yaa da maakaa ;
- ci' a den jam too sutura'anaa den ;
- geenwaa den yaa da njirna, waafanaa a den teex too cooxaa den da ñaamaa ;
- fañ o soowaa mbaat o wuuqaa yaa da faanaa mbaat da ñootnooxaa ;
- geenoox ceek no coxla den too ðaay no jalan a den ;
- ñof o ñayanaa den nduleer too fi'an fo kam fa letu.

Ke fakitna :

- jeg kenya o tedil a den too jeeman manuu o waagof a dayna ;
- fañ o doonaa den kaa da mbageerna, fodand coxla ke o doonaa den ;
- gayanaa den halal fee no mbind ne yaam kaa nqij soo a sogkan o njeg.

Xaariites, oxe rimna kaa warel o moytoox apaax-apaax. O ten bil oo, o ßiy a ref boof.

A tekit

tekit xa felem

Um jang xa felem axene fo a tekit den :

aswaa : ten refu yeglaa no kuu o fi'aa mbaa muu o jofaa.

ceek : ten refu a qenu a cagu.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafodox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. O ßiy o mbaax kaa _____ we ndimuuna.

2. Ku simanoona ta geenoox teen _____

- widaa
- aswaa
- gimaa

- ceek
- meek
- seek

A nanoof xa ñaaþ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : Xar o njaac a waru fi' yaa we ndimuuna a faanaa mbaat da ñootnooxaa ?

Laamit 3 : Xar taxu o njaac a war o moytoox o fi' we ndimuuna kaa domna den ?

Um yutangaa, um hib a qaaaj no saar ole.


A pind o ñuxur bind o ñuxur

Simte :

- | | | |
|--|---------------------------------------|--|
| 1. Um jang xa felem
axe kam eel le. | 2. Um yiif o ñuxur
ole um bindkaa. | 3. Um bind na
kaye'es o ñuxur
ole jofna. |
|--|---------------------------------------|--|

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 33

Saxin jam

Ke adna yaajna yaaj fop, jam moy'u kuu refna. Ten taxu, fat i mbexey ta sax. Oxuu bugna jam, muu ta waagna o ref, fat a sax no simte ke no maak we.

Ke adooxna teen refu :

- waafaa jam no waxtu fuu refna ;
- moytooxaa fop ke na bisiidaa fuux fo mo'ir ;
- jabaa a yiif a pogreer yaa nu njeetaayaa ;
- muñanraa, mbaasanraa yaa njuum mbaat mo'ir a jegna ;
- yufaa nqasir fo peecir a mbanuu refna too layaa ndigil.

Ke reefna teen refu :

- niiw soo ci'aa cer oxuu ga'oona ;
- henya' o kendof ke o henya'aa xooxof ;
- fonjik soo jaban oxuu wareena o ci' cer ;
- doon wiin we ke da ngatilna, moytoox o xijlaa den ;
- fañ o hod we o fi'ritaa na fop ;

Ke fakitna :

- moytoox o xeefaa mbaat fasnooxaa ;
- moytoox o rokaa no kaa a fatof a yongeerna ;
- moytoox o tooñaa o kiin no delem mbaat na pi' ;
- moytoox a tooñoof fop fo o yaf ;
- jofoorand wa nanooreerna boo da yoonatin a ndef leng ;
- wetandwaa muu refna ee kuu refeerna jam, jam moy'un.

A tekit

tekit xa felem

Um jang xa felem axene fo a tekit den :

peecir : ten refu layir fomu kam nqasir.

jofoorand : ten refu waagrand waa mbuxirna.

A niir a ñofu

1. Um niir o saar ole amaan no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. _____ a wara moytooxeel no ngentan.

2. Sanu kaa _____ yoonum we ñoxoroogna.

3. O ñaañaay kaa _____.

4. O meetar ole a geenwa _____ xa elew axe.

- ceek
- jofoorand
- peecir
- aswaa

A nanoof xa ñaañ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : No xar o saar ole a layaa ?

Laamit 2 : Limi simte tadik kaa mbaagna saxon jam ?

Laamit 3 : Xar taxu jam a moy mbariy ?

Um yutangaa, um hib a qaaj no saar ole.

A pind o ñuxur bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.

2. A jegə o piifi', a pi' fo meftir.

3. Um jiriñoor xa toq axe mbarna.

4. O ðelem ole a feeña apaax kam o ñuxur ole.





Cangel 34

Baasanit

Mbanuu refna, yaal caate ke fo kelfa ke kaa njeetaayaa no mayu. No camaano keene, fop a yoona ee kaa mbar o mbetand wiin we ke taxna a baasanit a jeg solo. A andnoor a in ee a baasanit a jegangee, jam jegkee. A baasanit fop a waru.

No ke i ndamna, o we layaa ee : « Kaa nu ngen fo wiin waa nu mbogteerna ciko. Wene kaa mbaax a mbug wiin, waana a mbefar fo'oy. A jega waa andoona ee nu mbogee o mbaax, diina mbaat o ga'oof. Nu mbugangaa ñooow fa den na jam :

- Fat nu mbaasanaa den too mbaafnooxaa **kal** den ;
- Fat nu njaban a den too and ee den neene nandu ;
- Ba nu **mbasnoox** oxe garna a waatiid o ndimle mbaat oxaa baatuuna yiif. »

Ta ßaat teen ee :

- Fat nu ndalna den, nan-giloox a den apaax, dimle'a den no dom den.
- Ba nu ngib tagid nuun yaa da ngarna me na nuun ;
- Fat nu mbi' ke nu mbaagna boo ndimble we nqarna ».

I mbaaga o lay ee wiin we xan a njiriiñoor ke da nanna yaam keene i feetlooxu no falay den mbanuu refna.

A tekit

tekit xa felem

Um jang xa felem axene fo a tekit den :

kal : ten refu lay kaa yooneerna fo ke bug'oona lay.

mbasnoox : tten refu neewand o kiin oxe kam falay.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. O koor oxe kaa may _____.

- kal
- jal
- mal

2. Fat nu moytooxxaa _____ o kiin.

- mbasnoox
- sutoox
- rokoox

A nanoof xa ñaañ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : Aniin ndeelu ceetaay ke ?

Laamit 3 : Xar taxu kelfa ke a njeetaayaa no baasanit ?

Um yutangaa, um hib a qaaj no saar ole.

A pind o ñuxur bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo metfir.
3. Um jiriiñoor xa toq axe mbarna.
4. O ñeñem ole a feeña apaax kam o ñuxur ole.





Cangel 35

Ndimle'ir a ndeer'in

No Mbind Njoogu, wiin we kaa ndimle'raa. Oxuu jegna soxla, ta ref o pog, o kentand mbaa xaariit, kaa ta **damteel**. Ta jeg bes, o yaal saate fee a xooyit o xet. O maak o leng a lay wiin we, moy'taa koy xa pes axe, ee: « I mbugangaa ngen fangen fa mbelu no Mbind Njoogu, fok i ndimle'raa. »

O maak o leng a baat teen ee : « Ke warna oxuu refna na in refu :

- Fat i ndimle' we i ngenitna fo we soxla'uuna ;
- O kentand oxuu jegna **bomb** yaqwu, fat i ndimle'in ta xembandin ;
- Fat i ndimle'aa wiin we njegna xew.
- Fat i ngeenoox we neewna doole.
- Fat i bektaa a yiif maak we fo we njirna. A soxla'a o nga'aa in apaam den. »

O maak o lakas a baat teen ee : « Ke warna in no ke i mbogna koy refu :

- Fat i leelaa ped ke fo ke widna ndax nqooland saate fee.
- Fat i ngeenoox a cang ale no xa caac axe na ekol fee fa daara fee.
- Fat i ngayaa too topatooxaa xa ßiy axe in nedefna no ekol maak ke.
- Oxuu refna na in, maak fo xa caac, fat a fexey boo fop a njeg jam.

I ndamrangaa soo yirmir, xan i njeg o ñoow o felu no saate fee in. »

A tekit

tekit xa felem

Um jang xa felem axene fo a tekit den :

damteel : ten refu dimle'eel, jalteel.

bomb : ten refu ke muurna a ndok ale boo si'kee .

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ñelem


bek ñelem le no ñuxur

Simte :

- | | | |
|--|---|---|
| 1. Um niir o ñuxur
ole too ñeet ke
gareerna. | 2. Um jil o ñelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ñefna no eel le. |
|--|---|---|

Aqatax :

1. Wiin we kaa njalaan _____ ke faap-o-tew Eileen.
2. Ba nu mos o _____ we na ngaraa me na nuun.
3. O baageer kaa _____.
4. _____ le na ndok ale kaa si'aa.



A nanoof xa ñaañ axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : Xar o saar ole a layu ?

Laamit 2 : Nam wiin we ñoowtaa no Mbind Njoogu ?

Laamit 3 : Xar taxu ndimir a jeg solo ?

Um yutangaa, um hib a qaañ no saar ole.

A pind o ñuxur bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriñoor xa toq axe mbarna.
4. O ñeñem ole a feeña apaax kam o ñuxur ole.





Cangel 36

Ndimle'ir kam mbind ne

We no mbind'in, O Nduuk a ngenu, na Fatik. Mi, caaci koores, caaci tewes, faapes, ya'es, o ndebes, tokoores, yaa ndebes, fo maasires. Fog'in lakas we, o we no karce fo caate lakas ke. Caaci koores fee refna kelfa fee no mbind ne, kaa bugaa, leek-leek, fasilum fop a **nqetaa**.

No xet o leng, ta lay a in ee :

- fat nu nqetaa ndax nu mbaag o nga'raa ;
- fat nu mbokataa a qoox nuun no qew yoq ke no we no mbind ne ;
- fat nu feetkaa xa teb fo maag nuun, tokoor fo fog lakas we. Xan a tax nu and no ke da ndefna.

Ta baat teen ee :

- xa caac axe a ci' cer maak we ; maak we a yirim xa caac axe ;
- fat nu and ke xa caac axe a soxla'na no ekol ne, topatooxan apaax ;
- fat nu mbexey boo fasil ne fop a njofoor, baa ta jeg **noonoor** leng ;
- fat fasil ne fop a ndamraa, nu ndimle'aa we njegna dom no kaa jofna no calir mbaat no kaa jofna no coono adna.

We no mbind ne a nan-gilooxa apaax too a nana ke caaci koor a layna. Kaa tee xan a njiriiñoor apaax ke ta layna den.

A tekit

tekit xa felem

Um jang xa felem axene fo a tekit den :

nqetaa : ten refu mbokatooraa, njoktooraa.

noonoor : ten refu ñak o nanir, mbañir.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ñele

bek ñele le no ñuxur

Simte :

- | | | |
|--|--|--|
| 1. Um niir o ñuxur
ole too ñeet ke
gareerna. | 2. Um jil o ñele
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ñefna no eel le. |
|--|--|--|

Aqatax :

1. Jaajangin we kaa _____ a qool a fak
akuu ñefna.



2. _____ jegee o njiriiñ no fangen.



A ñaaf axe no saar ole

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : ??

Laamit 3 : Xar taxu þasil ne a mbar o ndimle'ir a ndeer den ?

Um yutangaa, um hib a qaaj no saar ole.

A pind o ñuxur bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A juga o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 37

Ci'tir cer

Na Jiloor, xa caac axe ndefna gend kaa yoob o nqetaa. Xa qet axeene kaa njegaa jaf leng, no hookom oluu refna. Kaa njeetaaytaa kaa jofna na den fo no saate fee. No xet o leng, da mbokatoor ndax a njeetaayit ne da mbarna njiriiñoorit xaaliis fee Meer fee a ci'na den. A jeg waa layna ee kaa warel o fi'na no ekip ne. A jeg lakas waa layna ee kaa war o xendantel ekol fee.

Naaga ta jeg oxaa layna ee yoonee no keene. Xaaliis fee kaa i mbarin o **nqaajir** oxuu refna a ret, ta fel mbaat ta fefar. Coow laa a yodu, oleng nan gilwatee o kendum. Leng we a lay ee ke layoona jegit meen, we yoqna a lay ee i yoonee fo ten no ne ta layitna ndaa ke ta layna ndigil oo. Da mbug o mo'ir baa mbaajaa o **ndamir**.

Naaga o yaal yiif mosu a inooxu a laya den ee:

- fat nu ci'tir cer. Baa oleng a lay oleng kaa domuuna, a refa nawle'of sax.
- fat nu mbaasantaa kal ke no gend nuun.
- Baa oleng a ñak o reef faap mbokatoor ne, no xa qet axe.
- fat a lal fop ee a qalaat no fop a njega solo a mbograngep sax.

Ta baat teen ee : « Kene i mbiyangaan xan i nga o gom. »

A tekit

tekit xa felem

Um jang xa felem axene fo a tekit den :

nqaajir : ten refu lasir tig fo o kiin.

ndamir : ten refu ñimatir sumu.

A niir a ñofu

1. Um niir o saar ole amaan no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Xa caac axe kaa _____ tangal nqes ne.
2. Xa elew axe a naa _____ ekol.
3. Goor we kaa nimatiraa baa yaac o
_____.
4. _____ faaxee ndeer o elew fo o kendum.



A nanoof

hib a qaañ o saar

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : Limi tamel tadik ke no simte ke ?

Laamit 3 : Xar taxu ci'tir cer a ndeer'in a ref kaa war na?

Um yutangaa, um hib a qaañ no saar ole.

A pind o ñuxur

bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.


Um reef teefel nahik ke :

1. O ñuxures a jofa.

2. A jega o piifi', a pi' fo meftir.

3. Um jiriiñoor xa toq axe mbarna.

4. O felem ole a feeña apaax kam o ñuxur ole.





Cangel 38

O njaač o yarwu taa mos jiko

No ekol'in, Madam Kan kaa bataa in yiif apaax, a mbanuu refna. Kaa yoob o layaa samandaal kaa i mbaagna o ndam na yar fa **tegin**. Kaa **yarna** jiko in soom a asaa in. Fop kuu Madam a simitna, o njiriiñ a refu. Kom leng ta ga'a Mari ta yoon fa caaci'um. Caaci a roxondoox o fof o maak a gadoox a siwo. Mari a ñaay'aa a paamum.

Ye da ñaay'aa baa miñ a toq ale a med, caaci geenoox ee xan a ñootnoox. Mari ten o maat a ñasaa a retaa. Naaga Madam Kan a xooyin a layin ee :

- O yokangaa o maak oxaa gadooxna medu, ba cung oxaa xooyoonga, ñofi o damtin ;
- O rokangaa o oto, ga' o maak oxaa geenooxna, inwi ci'in ta moof. O fañ o fi' nen oxaa ga'eeruuna ;
- O maak a simangaang o dimle'in, fat o damtin. Ba fañ muk. Nan-gilween boo and ke ta bugna, o fi'anin o ten apaax ;
- Naangi nan-gilooxaa apaax yaa o maak a asang, ta ref we ndimoonga, mbaat o lakas oxuu ta refna.

Ye mari a xoodna kaa dalfo fi ke Madam Kan a layuuna. Cungatee o maak a xedin o ndimle. Mari fañatee nduleer. A moy'a fex a ya'um, baa um caaci'um fo we no kooñ ne.

A tekit

tekit xa felem

Um jang xa felem axene fo a tekit den :

a tekit : ten refu tekit xa felem.

tegin : ten refu kaa jofandna jiko no kiin, kaa faaxna no kiin.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|---|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafoox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|---|

Aqatax :

1. Jeg _____ a faaxaa no njaac.

2. Caaci kaa sima axa caac axe kaa _____.

- mokin
- fadin
- tegin

- yarna
- refna
- bugna

A nanoof

hib a qaa j o saar

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 Xar madam Kan a simu a Mari ?

Laamit 3 : Xar taxu Mari a fi'aa apaax ke madam Kan a layan ?

Um yutangaa, um hib a qaa j no saaar ole.

A pind o ñuxur

bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 39

Nam enterwiiw a fi'teel

Madam Kan kaa lay xa caac axe ee kaa njangkaa xaye ne **enterwiiw a fi'teel**. Ta lay xa caac axe da ndet a mbaxtaanik fo Muse ke. Xa caac axe fop a ndet. Ye da ndetna boo ta miñ da ngar ndaa oleng atee dara. Ye ta laamitna den xar taxu atee tig, xa caac axe a layin ee i andee ke i mbarna laamit fo nam i laamitkan.

Naaga Madam a lay a den ee dik wuu nedefna fat a sayoox, a laamtir ne da ga'itna ne i ñooowtaa kam ekol ne. Fop a cutangaa, i ngib ne waxtaane a fi'itkeel.

Ye xa caac axe a cutna, mbaa mbaxtaan a ndeer den, naaga Madam Kan a andnu den, oxuu bugna fi' enterwiw no faap nene waro reef.

Koo war :

- laamit kaa jofna no xe waroona o layit, no ñooowum fo no calelum ;
- bind laamit ke boo o moofaa fo oxe **reertoona** jeetaay le ;
- dam fo ten bes fee no xet ole ;

Madam Kan a baat teen ee : « Jasnoor fo kiin laamtan yoobee. Keene taxu oxuu na laamtaa, a wara :

- waaf þaxañ moyu ndax o jang falay fee ;
- dalin o kenarof, doonanin foofi fo o kaas ;
- wet a tagidof boo ta sadong ;
- boo ropaa, o lay we naa nan-guilooxang, oxe o laytaa an a refu.
- Gidmeen yaa ta yutna. »

A tekit

tekit xa felem

Um jang xa felem axene fo a tekit den :

enterwiw : ten refu laamit kaa na njangeel no rajo mbaat na kaayiit.

reertoona : ten refu fogtoona tig.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Surnaalisti fee kaa fi'aa _____ yaa
ta waataa yeglit.
2. Mari fa Sanu kaa ndef xa caac axaa njegna
_____.
3. Jegi jam fo we _____ tig.
4. O kiin kaa _____ o þeem a bugu.



A nanoot

hib a qaa j o saar

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : Xar madam Kan a jangnaa xa caac' axe ?

Laamit 3 : Xar taxu oxe na fi'aa enterwiiw a seqaa mañetofon ?

Um yutangaa, um hib a qaa j no saaar ole.

A pind o ñuxur

bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.


Um reef teefel nahik ke :

1. O ñuxures a jofa.

2. A jega o piifi', a pi' fo mettir.

3. Um jiriiñoor xa toq axe mbarna.

4. O ðelem ole a feeña apaax kam o ñuxur ole.





Cang 40

Ñoxor jir-ndiig

No mberaand, oxuu jir-ndiig a dam'ina, kaa mboogoogu ee jini damun. Kuu refna da ndok teen too ndetkee no mbind dogtoor. Ndiiki koy wiin we a njega a keenoof a lakas. Ndiig a fada. A yiif ake no wiin we fop a mbete. Da mbar o **yetoox** a qoox den. A mbexey baa muc no ñat ke no þook ke na cooxtaa **jir-ndiig**. A rajo ke fa tele ke o we layaa teen.

A mbetandaa wiin we ee fegu moyu waadnu. wiin we fop a moy'a anda jir-ndiig fo samandaalum.

A surnal a xoolandaa, na pind cegu solo, ne jir-ndiig na moytoortee. Baab Moodu jikun, atin no mbind ne. Mari fo Sanu a njeemaan o njang. Ya'den damtu den teen. Ye da yutna, kaa da lay ee oxuu bugna ñoxor fo jir-ndiig waraa reef ke a surnal ale a layna :

- Ke wareena o eet o fi' refu watin poofi ke naa ndaagaa no pind ke;
- Yoog xa þaxañ axe fop me þook ke a mbaagna o yoogoox ;
- Keene faafangaa, ngoorgoorlu boo njeg sanke nqooy'e ;
- Fat i liil sanke nqas ne tafil, kaa daawna ñaal leng, boo ta humeel no njong ;
- Fat i mer o faanaa kam sanke nqooy'e o yeng oluu refna, moy'taa koy no rew wodeer we fo xa caac axe.
- heþand teex þook kirand nuu refna.

A tekit

tekit xa felem

Um jang xa felem axene fo a tekit den :

yetoox : ten refu ngeenoox (a qooq den), mucil.

jir-ndiig : ten refu sibiru, jir a cun, o book.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

þek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. Oxuu refna wara _____ xooxum na cir
ake na nqabaa.

2. _____ no njaac fo no tew o bodeer
a moyu bon.



A nanoof

hib a qaaq o saar

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : Xar ɻat ɻook a cooxtaa ?

Laamit 3 : Xar taxu a yetax a moy' a baadnax ?

Um yutangaa, um hib a qaaq no saaar ole.

A pind o ñuxur

bind o ñuxur

Simte :


1. Um jang xa telem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriñoor xa toq axe mbarna.
4. O ðelem ole a feeña apaax kam o ñuxur ole.





Cangel 41

A baaf na enternet

Enternet a jega o njiriiñ no jamano fee i ndefna. Ta ref o koor, o tew, o maak, o njaac, fop njegu teen soxla. Waaga xotit teen o ndimle no ñofu. Jeem o and ne o fi'kaa boo waag waaf na enternet a jega solo. Duudu o ten o mat andafullee xar refu enternet, xar refu o njiriiñum fo nam a ñaay'niteel. Mari a lala Duudu xar refu motor mbaatir. Andnaan ee fop kuu o kiin a bugna and yaa ta waafan, motoor mbaafir ne, na widkan no enternet fee atin no ñofu.

Mari a baat o layatin a Duudu : « no ndaþan, o naangaa waafaa na enternet, ke o fi'kaa :

- Deeti pexey o daaw fo loklandir ole na cooxkang enternet. Ndaawir a jegangee no ordinateeroof mbaat no portaabulof, waagkiro dimle'oor a enternet ;
- Jili motoor mbaafir ne na layeel Guugal,
- **gigni** no ñofu no ke na samandaalaa Guugal no deendoor ole.
- Bindi o delem mbaat a ñuxur ole na laltaa ke o waafaa no rektaangal ole o maak ole, feeñna o boyet ole na waxtaantel a wetooxangaa.
- Gigni no caaþ ake o ga'angaa ke soxla'oona.
- Retani xooxof ndiiki. Haa, xar o cuunga ? »

A tekit

tekit xa felem

Um jang xa felem axene fo a tekit den :

internet : ten refu ke na cooxaa o kiin yeglit kuu ta bugna (na ordinaateer mbaat no portabul).

gigni : ten refu dikni, cuqi mbaat bosi.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ðelem

bek ðelem le no ñuxur

Simte :

- | | | |
|--|---|--|
| 1. Um niir o ñuxur
ole too ðeet ke
gareerna. | 2. Um jil o ðelem
ole jofna no
ñuxures. | 3. Um yipafinox xa ñuxur
axe na kaye'es soo fa-
datinin fo xa felem axe
ndefna no eel le. |
|--|---|--|

Aqatax :

1. _____ , a jega teen kaa faaxna no elew.
2. O kaynaak a wara_____ cegelum.
3. Deeti apaax, _____ o butoñ ole warna.
4. Ñek o njaac kaa muclan no



A nanoof

hib a qaaaj o saar

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : Xar waro eet o and na enternet ?

Laamit 3 : Xar taxu i mbar o aqatoox na enternet ?

Um yutangaa, um hib a qaaaj no saaar ole.

A pind o ñuxur

bind o ñuxur

Simte :


1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.

Um reef teefel nahik ke :

1. O ñuxures a jofa.
2. A jega o piifi', a pi' fo meftir.
3. Um jiriiñoor xa toq axe mbarna.
4. O ðelem ole a feeña apaax kam o ñuxur ole.





Cangel 42

Topatoox o telefoñ portaabul

Mari a janga o ndam onqe no ndafatir ne jegna na ekol den. **O ndam** onqe o xe ne'tel pindir wurus. Faapum a neexlin o telefoñ portaabul. Qaariitum mayu a ngar, oxuu refna a bug o ga o telefoñ ole. Da mbid a Mari. Mari jabee oleng oxaa duquuna. Oxuu buguuna o deet, ta damanin xoomum, a layong ee deeti ndaa ba duq. Mari gimtee o telefoñ ole a nand nen o kiin a duqangaan ta sooy. Faana oxe layan ee kene o telefoñ soom oo. Oleng ñaamkiran, oleng yerkiran. Mari a doonan ee : « Xaykiim nu maafin ngen ekraj fee, kaam geekan sax. »

Naaga tokoorum a rokiid a laatin ne portaabul a damteel. Naaga Asan a lay a Mari ee :

- Ke waroona o eet o fi' refu sod kuraj no batari le boo ta may muut.
- Ke reefna teen refu muu o **sarse'taa**, fat o jiriñoor o sarse'ir olaa yonna fo telefoñof.
- Fat o moytoox o gef ekraj ne no telefoñ ole. Ke na mucilkan refu o waaf kaa na yetwan. Ta ref kaa o doonaa tookum boo a yenangaa gefkee.
- A neew-neew, waraa o regle kaa nandna nen : delem le o jaltaa, ñaal ke fo waxtu fee fadna, a karta simof, wo andu o jeg piis leng mbaat fik.
- Fat o and ee waagaa baat yiif le no telefoñ ole. Yaaga xan o waaf a karta memuwaar alaa na rokneel kam o telefoñ ole.

A tekit

tekit xa felem

Um jang xa felem axene fo a tekit den :

o ndam : ten refu o jeg tig no waagof.

sarse' : ten refu yip teen kuraj.

A niir a ñofu

1. Um niir o saar ole amaak no ñofu.
2. Um halangaa, um cung yoones a ndimle'aam, um niiratin.
3. Um yutangaa, um nan-gilu yoones we a niir o saar ole, um ndimle'a den yaa da ngalna.

Tekit ñeleñ

bek ñeleñ le no ñuxur

Simte :

- | | | |
|--|---|--|
| 1. Um niir o ñuxur
ole too ñeet ke
gareerna. | 2. Um jil o ñeleñ
ole jofna no
ñuxures. | 3. Um yipafóox xa ñuxur
axe na kaye'es soo fa-
datinin fo xa felem axe
ñeñfa no eel le. |
|--|---|--|

Aqatax :

1. Mbir ne no saate fee a jega _____
no njom naa.

2. Tokoor Kumax kaa _____ o portaabulum
boo ta may.



A nanoof

hib a qaa j o saar

Um nan-giloox too fog no calel ke.

Um jang o saar ole fop. Um doon lamit ke.

Laamit 1 : O saar ole na xar a layaa ?

Laamit 2 : Xar Mari a neexle ye ta jegna o ndam no ndafatir ne ?

Laamit 3 : Xar taxu Mari a war o waaf yetooxir naa na doonwaa took o portaabul ole ?

Um yutangaa, um hib a qaa j no saaar ole.

A pind o ñuxur

bind o ñuxur

Simte :

1. Um jang xa felem
axe kam eel le.

2. Um yiif o ñuxur
ole um bindkaa.

3. Um bind na
kaye'es o ñuxur
ole jofna.


Um reef teefel nahik ke :

1. O ñuxures a jofa.

2. A jega o piifi', a pi' fo meftir.

3. Um jiriñoor xa toq axe mbarna.

4. O ðelem ole a feeña apaax kam o ñuxur ole.



Ke gartuuna :

Ekol nuun kaa jeg qicir ngir o and o elew ole moy'na waag a cang. Kalaas nuun a war o fog taaga, ten taxu nu mbar o njil o xe naa moofankaa nuun maaga. O xe na jangnaa nuun a cooxaang o saar olene.

Wiin waa mbogna ngen, a mbara faap a ñaačnoof alaa fop a mbarna ndeef. Keene kaa ref kaa jegna Solo, kaa waagna tax da mbaag o njeg jam, o ñoow o ñoowoof ole may'na. Ekol a refa maa wiin a nqetaa mbanuu refna, o mbiñ onqaa na jangteel, a yarteel. We ndeeriuna a maya. Ndaa dík wene, oleng hupee den teen Solo : Ta ref xa elew axe o jaajangin we. Taap o ñoowoof kaa wetanda wiin we ke warna den no ekol ne. Ekol nuu refna a waraa fi waxtaan yaaju, a xot a qalaat no fop ndax a deet ke faaxna na tefoof ale, ta regtin. Kaaga a jegangaa fop mbaru ndeef teen. Ekol ne Jam bugum koy gornomaa fee na xa elew axe fo jaajangin we direkteer a adooxna a ngiba faap kene. Fop mbaru ndeef teen.

O elew ole, kaa war o :

- Fadiid no kiis xarbboxay boo da sone'aa ;
- Xool no ñiraxum fo no cerum ;
- Moytoox o bindaa, seedaa no miir ke ;
- Moytoox o rodgandaa ekol fee ;

O meetar ole kaa war o :

- Gar ekol no kiis xarbboxay fo ßetik, boo da sone'aa ;
- Jangin xa caac axe too fodand fop ;
- Fañ o xaw, fañ o wen ;

Simte :

1. Niiri o saar ole amaan.
2. Jiriiñoori simte ke muse a cooxang .

a tefoot 2

Ke gartuuna :

Ekol nuun kaa jeg qicir ngir o and o elew ole moy'na waag a cang. Kalaas nuun a war o fog taaga, ten taxu nu mbar o njil o xe naa moofankaa nuun maaga. O xe na jangnaa nuun a cooxaang o saar olene.

A cufin a welo

Yetoox xooxof, wareef oo no xuu refna. Kom leng, Badu kaa ñaay o welo'um, a ñasaa na tali le. Yegee-yeg boo i nan tig ee tal. Ndikee Badu gomu o oto laa geenu'ina meene. Fop a cuf a mbidin. Ye ta inooxna, roogoo roog gaañwee. Yaal o oto le a layin ee o seqangaa o oto no mbed onqe, waraa bikit yiif kene :

- Na peepeer a tali le waro yufnita, yakandoora me wiin we na ñaayaa a ndeefaa, joontaa xa oto xe no saax o janoon, gadandooxaa den no saax o ñamaak.
- Waraa bektaa yiif iitam xa þoñaan axe naa kaþaa, o fiyaa ondang boo faamnooxoona sal a fat, mbaa o geenoox soo yakandooxaa.
- A jelangaa keene, yufin na ndeer a tali le kaa fañteel, nen a fat a yoq ake fo me xa oto xa maak a ndeefaa. Ke waralna keene koy refu ee we na cufnaa o welo fo we naa ñaayaa fa caf den mbogu hate.
- Ba weec ee o joor o xiiru faaxee. A jega kebil kaa na mbodandaa a tet fa kar no welo.
- Boo yufnaa, fat o pok apaax gidonj ke fa xa þayof xa faq.
- Naangi rokooxaa o maxanaa laa na muclang boo yenoona, too o fañ o yufnaa o yeng.
- Oxuu na yufnaa o welo, wara bikit yiif kebil keekee ndax lorkiro xooxof, lorkiro o lakas.

Simte :

1. Niiri o saar ole amaan.
2. Jiriiñoori simte ke muse a cooxang .

A lii6

Ke gartuuna

Ekool a ngiy tēj, ñu war leen a naat. Kilay jàppale, jox na la ñetti jukki yi ci suuf ngir tåggat la.

Bes o rimel no siid we

Xaye bes o rimel Sanu fa Mari oo. Xa kiid xarbachay a njegu. Yaa Faatu kaa xooy teen qaariitum. Tokoor Kumax a bis siid we fo ya' den no oto'um da ndugik. Da mbad, a njof na taabul paa Biram. Ta jikwa den ke da soxla'na. Da mbar o nqaad. A mbadangaa a njagand fop, boo waxtu fee fadaa.

Da sutoox nga'atee o oto laa ? Tokoor den kaa ret ? Njegatee xaaliis, yaa Faatu a weecit o telefoñum. Nam i mbi'kaa ? Siitiitiitit ! Sanu a fuux. Ta xalamaa ndik qaariitum a ngar too tus y'utee. Keene refu sabab ! Yaa Faatu a xooy o taksi. Da mbaxaa'aa, a fadangaa a rabid. Miñee tus da nan piip ! Ahaan ! Kumax oo ! kaa gaare'u kofu. Xa caac' axe fo ya' den a mbaas o taksi le, a ndok no oto den. No mbind ne, da soñ a faapa Semu, caaci Diiboor fo xa caac' axe. Da ngib xa bal no begax ke fo xa palanteer axe. Siid we a ndalfo ndokoox mosu. A taabul ake a njeg xa tangal, fo ñaamel fo yerel.

Yaa Faatu a bisiid ngato maak. Xa lampa xe a ñufel, xa sondeel a kañnel. Fop a ngimanaa Sanu fa Mari « bes o rimel felu ! » Miñee ta jeg kaa meleçna. Faap-o-tew Eleen foto'oogu. Bes o rimel olecke, fa leng raxiran.

Simte

1. Niiri o saar ole amaak.
2. Jiriiñoori simte ke musee a cooxang.

O mosel ekol'in

Karce'in Polga a jega ekol mayu. We ndimna xa ßiy axe no karce fee, fo we no karce lakas ke, na ekol'in a ßisiidaa xa ßiy den.

Ekol fee in kaa yaaj, a mos. Miir fa njiig widun. Kalaas ke a fuumel pentuur fa yaay. Taax ke kaa mbid o maax ole. A ndeer den a jeg taxar maak. A naaq ake no taxar ke kaa ndokir too a may a naf. Keene taxu taxar ke a njeg yook. Xa caac axe a ñasaa meen a sutwangaa.

O fiidings oxe jambaar oo. Ten naa jagandaa gasoñ fee Kaa hoñna, a mos, a jeg pid. A fat a teb a cofu a ndef teen. A njeg lanq moku, a nqool qac. O fiidings oxe na sooraa gasoñ fee, a disaa daaf faaxeer le. Kalaas ke kaa yaaj, a ßuuñ yaam begax fo xa palanteer xa yaaju. Miir ke no kalaas ke kaa nqool. Meetar ke naa njilaa no kalaas nuu refna we na leelan.

Gardiñe fee a jega mbind no ekol fee. Mbind ne a ref no ndokand ne, a pentuurtel yeeq. O jonangaan, o ga' taax lakas naa jegna tok fik yaaju. Maaga refu a mbaaw ale fo kantiin fee, me xa elew axe a ñaamtaa. Xa caac xa mayu, a mbuga njangit no ekol'in yaam ta mos

Dimle o maak

Caaci Saara maagu no kooñ, a kid ake mbelatee too kaa maak baa yuug. Keene taxu o loq a ñaaytaa. Kom leng ta sutoox a foftaa a cafum, a mo' : A ñaaya mayu ndaa andatee mbind ne, ye ta moofna a lanq no ndaxar a ñootnooxaa, rew a njoonin a simin. Ye ta laamitkaa den, da ndet. Caaci Saara xan a jeg coono.

Naaga, xa caac' axe, inoor'ina ekol a soñin ta moof. Ye da laamtuuna ke ta fiyaa mene, ta lay a den kaam mo'. Xa caac' axe a ndam no loq ole a layaa fo ten boo no mbind naa. Ye da mbetanwuuna a ya'den ta lay a den ee nu mbiya, mosu a baat teen :

- Dimle'aa caaci, soo geenoox no coxla'um fop ;
- Yooni a caaci yaa ta jikkaa tig kam saate fee ;
- O ga'angaa o maak oxaa bugna y'akandoox a qal ale, dimle'een ta y'akandoox yaam xa oto xe naangee cufaa ondang ;
- Ba moof, waas o maak ta geenoox yaa nu mbogna o oto ;
- Ba deetaa o maak ta miñaa no raij, fat o ci'an ta eet o faaf yaa xetona fo ten opitaal, me naa rabidteel foofi mbaat kuraij.